

მუხმანი

საგარეო ურთიერთობების სამსახური

საგარეო ურთიერთობების
სამსახური

მურმან ლეგანიძე

100 ლექსი

შემდგენელი და რედაქტორი
ელენე ჭავჭავაძე

გამომცემლობა ინტელექტი
თბილისი

ქართული პოეზია

საგამომცემლო პროექტის ავტორი

კახმეგ კუდავა

ISBN 99940-39-61-X (სერიის ნომერი)

ISBN 99940-39-58-X (მ. ლებანიძე, „100 ლექსი“)

© გამომცემლობა „ინტელექტი“, 2006.

საქართველოს
პარლამენტის
ეროვნული
ბიბლიოთეკა

„კოჭლი სტრიქონი პრჩიარ მთელს იმპერივსს“

შწერალი ბევრი გვყავს, კლასიკოსი ცოტა.

მურმან ლებანიძე კლასიკოსია.

მისი შემოქმედება გამორჩეულია ეროვნული ძარღვის გამძაფრებული ფეთქვითა და მომხიბლავი პოეტური სახეებით, მოდულაციებით.

მ. ლებანიძისთვის თავიდათავია მოყვასის სიყვარული. ხელს გადაგზვევს თუ გსაყვეღურობს, ყოველთვის გულით შენთანაა, სურს აგამაღლოს. ამიტომაც ვამბობ, იგი მეკვლეა და არა თანამგზავრი.

„შენ ხარ პოეტი –

ფიქრი გმართებს და მსოფლიობა,

არ დაამაღლო,

პოეტო, ფიქრი

შენს მტერ-მოყვარეს,

შენს საბრალო კაცობრიობას“.

არ კმარა იმის თქმა, რომ მ. ლებანიძე საქართველოს, მზის და მიწის, საერთოდ, სიცოცხლის მომღერალია. აუცილებელია იმის საზგასმაც, რომ ყოველივე ამას ძალზე ორიგინალურად, საშური ოსტატობით ამჟღავნებს.

ერთ შემთხვევაში პირდაპირი გაცხადება მძღავრობს. ისეთი შთაბეჭდილება გექმნება, თითქოს გრძნობა ახრჩობს

და უსწრაფესად თუ არ განთავისუფლდა მისგან, დაიღუპება, ამიტომაც მრავალფეროვანი პოეტური სამკაულებითა თვის დრო არ რჩებაო.

„ლხინში — ავხირღები,
 ჩრდილში დაგიდგები,
 ჩემთვის ვაჩხაკუნებ
 ფანდურს, სანატრელო;
 ჭირში — დაგიტკებები,
 ბევრს არ დაგპირღები;
 ფეხზე დაგიდგები,
 ჩემო საქართველო!“

დიდი გრძნობის საღად გამელავნების კლასიკური ნიმუშია.

სხვა შემთხვევაში საგანთა პროექცირება იწვევს წინ და მათგან მომდინარე შთაბეჭდილება ხშირადღება. იმგვარი დეტალებით შერჩეული, რომლებიც არა მხოლოდ შენთან, არამედ წინაპრებთანაც არის დაკავშირებული. ისინი ვიზუალურადაც მომხიბვლელია.

„უკვე ჩავლილია
 შემოდგომა წითელ-ყვითელი,
 წვერზე შერჩენილი
 მწუტე ნიგოზს ნიაფი არხევს,
 კაკლის ხე შუკას
 გადმოჰყურებს შიშველ-ტიტველი,
 გღია ჭოლოკი —
 ჩაუვლიათ სკოლისკენ ბაღღებს.
 თავს დასტრიაღებს
 ბელურების გუნდი ნალიებს,
 მშვიდობა ირგვლივ,
 გარინდულა ყანაც და ტყეცა;“

**ჩლიქის ნადგომში
ნაწვიმარი წყალი დალიეს
და, როგორც წესი,
მიაჩერდნენ ქათმები ზეცას“.**

მ. ლებანიძის ნაწარმოებები წმინდა ლექსმეტყველების, ვერ-სიფიკაცია – სტრუქტურის თვალსაზრისითაც გამორჩეულია. თავად ბრძანებს და სამართლიანადაც: „საქართველოში თუ ვინმემ რიტმიკა და პოეზიის ორკესტრირება იცის, ვიცი მეც“.

მან შემოგვთავაზა მოკლე სტრიქონის შემდეგ გრძელი სტრიქონი, რაც ორიგინალურ რიტმს ქმნის.

მ. ლებანიძის ლექსთა დიდი ნაწილი აგებულია კლასიკური მოდელის მიხედვით, როცა ამბავი მძლავრობს და ფაქტთა ფიქსაცია თუ განწყობილების განფენა ლოგიკური თანმიმდევრობით ხდება.

ხშირად იყენებს რეფრენს. გავიხსენოთ, თუნდაც, „უფლისციხესთან სისხლისფერი ყაყაჩოს წვეთი“ ან „შენ გიტოვებ, ეს ქვეყანა შენია!“ ამ გზით ექსპრესიულობა მატულობს და მახვილის ფუნქცია ძლიერდება.

მ. ლებანიძის საყვარელი ხერხია შეპირისპირება, თანაც არა მოკვეთილი, არამედ გაშლილი. ორივე მხარე თითქმის თანაბრად არის წარმოჩენილი და დასკვნაც ძირითადი ნიშნების საფუძველზეა გამოტანილი. ამ მხრივ ტიპურია „ბუღბუღს მირჩევნია შაშვი“.

ხსენებული ხერხის ვარიაციულობით ფართო პანორამის წარმოსახვისა და ჩანაფიქრის დამაჯერებლად გამოკვეთის საუკეთესო შესაძლებლობა ჩნდება.

ერთხელ კიდევ გადავიკითხოთ „ლექსის მწერალი ხშირდება...“ ქართული პოეზიის გრანდები მსჯელობენ იმის თაობაზე, თუ პირველ რიგში რა მოეთხოვება მგოსანს.

„თავისთვის იჯდა ჩრდილში.

არას იტყოდა ანა...

– ნიჭი, ძამიკო, ნიჭი! –

გალაკტიონმა ბრძანა“.

სხვათა შორის, მ. ლებანიძის ნაწარმოებებიდან საგანგებოდ უნდა გამოვყოთ გალაკტიონისადმი მიძღვნილი ლექსების ციკლი. პოეტთა მეფის მსგავსი შთამბეჭდავი პორტრეტი ჯერ არავის შეუქმნია.

იმასაც დავსძენ, რომ მ. ლებანიძე თავის უპირველეს მასწავლებლად სწორედ გალაკტიონს მიიჩნევს. ერთგან მიუთითებს: „ეს წიგნი დაწერილია პოეტის მიერ, რომელმაც თუ რამ საიდუმლო იცის, ოთხი მეხუთედი გალაკტიონისაგან და მხოლოდ ერთი მეხუთედი – დანარჩენი მსოფლიოსაგან“.

მ. ლებანიძისათვის უცხოა ფორმის აღზევებისათვის შინაარსის გაწირვა. მეტსაც ვიტყვი: მკაფიობისა და სინათლისათვის ზოგჯერ პუბლიცისტურ ჩარევასაც არ გაურბის.

ნაღდი პოეტი მხოლოდ ლექსით როდი იცნობა. პროზასა, კრიტიკულ წერილებსა თუ ღლიურებშიც ვგრძნობთ მის გამოხედვას. იგი, უპირველეს ყოვლისა, პირუთვნელი მოქალაქე უნდა იყოს, სიწმინდისა და ობიექტურობისათვის მებრძოლი ბატონი მურმანი დიხაც ასეთია. საკმარისია გადაფურცლოთ მეოთხე ტომი, რომ ეს მეყსეულად გაცხადდეს.

* * *

1986 წლის 11 იანვარს ვახტანგ ჯავახიძემ მიგვიწვია: მურმან ლებანიძე, ბესიკ ხარანაული და მე. სერობა ჯერ კიდევ არ იყო დაწყებული, როცა ბატონმა მურმანმა გამიხმო:

– ამ ბოლო დროს ხშირად მესიზმრება გალაკტიონი. ტანჯულის სახე აქვს რაღაცას მთხოვს. გავთავდი კაცი. ცხვარი უნდა დაუეკლა სულის საოხად.

შევთანხმდით, გაზაფხულზე ჭყვიშში შევიკრიბებოდით. და აი, 3 მაისს ბატონი მურმანი და ქალბატონი ელენე რამდენიმე მახლობლით სოფელში მესტუმრნენ. ვახტანგ ჯავახიძეც ვაჟითურთ ჩვენთანაა.

რიტუალი ყველა წესის დაცვით ჩატარდა. მღვდელი, ლოცვა, სანთლები და ა. შ. იმ დღეებში ხვაშიადის გამხელაც იყო და მრავლისმთქმელი გაყუჩებაც, პოეზიით ტკობა და ფილოსოფიური განსჯანიც, თავახდელი ზანდუკიდან უძველესი ფოლიანტების ამოსუნთქვა და გალაკტიონის დედის დღიურებით გაოგნებაც.

პირველ საღამოს ბატონი მურმანი ცოტას სვამდა. არც მე ვგულბათობდი. შუა პურობისას გადავუჩურჩულე:

— ეკლესიის ეზოში ხომ არ გადავსულიყავით?

ბიჭვია ტაბიძე ხელადითა და ჯამით მოგვყვება. წინაპართა საფლავებთან ქვებზე ჩამოვსხედით. უსიტყვოდ წავუქციეთ. ვღუმვართ და მთვარის რონინს თვალს არ ვაშორებთ. მერე, როცა ღამის დედოფალმა ცაცხვის კენწეროზე ჩამოიხრჩო თავი, სუფრას დავუბრუნდით.

დილით ბატონი მურმანის სულში ჩამწვდომი მზერა და...

— გაფიცებ ძმობას, გახსენი ფრჩხილები. რა ჩაიფიქრე წუხელს? მართლა გრძნობ მთვარის მაგიას?!

გაყუჩდი, რადგან თავიდათავი პასუხი კი არ იყო, არამედ კითხვის დასმა, რომელიც მის პოეტურ ბუნებაზე, უჩვეულო ასოციაციებსა და ორიგინალურ წარმოსახვაზე მიმანიშნებდა...

* * *

არსებობს შემოქმედის ორი ტიპი. ერთი — ამოვარდნილი ყოველდღიურობის რიტმიდან; თხემით ტერფამდე გამორჩეული, ცხოვრების ნირითაც ბოკემური. მეორე — რიგითი

მოკვდავის ნიღბით მთარული, არაექსცენტრიკული, საზგასმით
ყურადღებიანი და მზრუნველი.



ორივეს ღვთაებრივი ცეცხლი უღვივის, ორივე ღმერთთან
მოსაუბრება, ორივე დიდ ტადარს აგებს.

პირველის განსახიერება გალაკტიონია, მეორის მურმან
ლებანიძე.

ნოდარ ტაბიძე

გეჩგევი უშენობას!

ანაზდად ღრუბლიდან მოისმა ძახილი:

– „სამოცდამეცხრამეტე წელიწადს შეები,
რას იქმს, მამაჩემო, ლექსი და სახელი,
რაფრად დიან

მონამლული შენი დღეები?!“

– „ფეხს ვუნყოფ, შვილო ჩემო, ცხოვრებას ოხერს,
არ გავლოთებულვარ, ვერც გეტყვი უსმელობას...
თავი ვერ მოვიკალი! ვთამაშობ პოკერს,
ვიგონებ საქმეებს და

ვეჩვევი უშენობას...“

ვარდისფერ ღრუბლიდან კვლავ მესმა ძახილი:

– „მწვავდა მანდ, მამაჩემო, სიმღერა ცხრაპირული,
მწვავდა მანდ ათასობით ვნება და სახმილი,
აქ მარადისობაა –

წყნარი და სტაბილური!“

„მარცხენა უჯრაშია მანდ ჩემი ქონება,
არ მითხრა, არ მაკადრო, პოეტი არა ხარო!
შენ სხვისი ლექსების გჩვევია სწორება, –
ვახსოვდეს,

ჩემს ლექსებს თითი არ დააკარო!“

„კარგა ხანს იომე და კარგა ხანს იბოგინე,
კი არ გასაყვედურობ, აქედან გეფერები...
ოთხმოცდათხუთმეტი წელი იმყოფინე, –
მანდაურ ლაჟვარდებს

ნუ გამოეკერები!“

– „ფეხს ვუნყოფ, შვილო ჩემო, ცხოვრებას ოხერს,
არ გავლოთებულვარ, ვერც გეტყვი უსმელობას,
ვიგონებ საქმეებს, ვთამაშობ პოკერს,
ვეჩვევი სიკვდილებს და

ვეჩვევი უშენობას!“

2000.

* * *

ქალბატონ გულიკო ჩაფიძეს

თქვენს ტურფა ქსენონს,
 თქვენს მტრედისფერ ძვირფას პალატებს
 თქვენივ სინათლე,
 თქვენივ გულის შუქი ანათებს...

გული მჭირდება...
 ქალბატონო, მე ვარ პოეტი,
 გულს უჭირს ჩემსას,
 გული მტკივა, – თქვენთან მოვედი...

თავს მეველებიან
 სასიცოცხლო ცეცხლის ღვარები,
 თავს მეველებიან
 მშვენიერი თქვენი ქალები...

თქვენს ტურფა ქსენონს,
 თქვენს მტრედისფერ ძვირფას პალატებს
 თქვენივ ნათელი,
 თქვენივ გულის შუქი ანათებს.

გიკოცნით თითებს!
 გაფერებით! გადიდებთ! გაქებთ!
 ერთ ბედქვეშა ვართ,
 ჩვენ შვილების სიკვდილიც ვნახეთ...

ან ჩემს საფიქრალს
 თქვენზე ფიქრიც მიემატება...
 მივალ, მიმყვება
 მოწყენილი თქვენი ხატება!

2000.

* * *

ყველა თავის ჯამს
ჩასცქერის და ცბიერია,
ოცი კაცი – ჭამს,
მილიონი მშვიერია!

შავზე იტყვის შავს,
ვინც კაცი და ძლიერია,
ოცი კაცი – ჭამს,
მილიონი მშვიერია.

სწყევლი დროს და უამს,
ივერია! ივერია?
ოცი კაცი – ჭამს,
საქართველო – მშვიერია.

2000.

* * *

- ამას შენც თუ გკადრებდნენ, ეს ვერ წარმომედგინა, -
ქვა გესროლეს, მურმანო,
გენყინა თუ გეტკინა?!

- წიხლი იყო სახედრის, რის ქვა - არცა გრცხვენია!
ბრიყვი პირუტყვისაგან
წიხლი - რა სანყენია!

- შენც თუ გაგიბედავდნენ, ეს ვერ წარმოგვედგინა,
- შენს
მაგივრად გვენყინა,
გვენყინა და გვეტკინა!..

- შხამიანი დღეები, თვეები და წლებია, ჩვენს მტერს
სამტროდ
თახსირი დაუგუნებებია...
არ შეშინდე, მურმანო,
იქ, წინ -
საუ-კუნე-ებია!!!

1999.

* * *

(იუმორისტაბ)

ყველაფერი აირია,
 სხვა ხალხია,
 სხვა ერია!
 მე თუ მკითხავ,
 რალაც ინვის,
 იმნაირი ჰაერია...
 მაგრამ –
 არაფერი მსგავსი!
 რომ არ შიათ,
 არ სწყურიათ,
 თურმე ჩვენი
 ცოდვით სავსე
 პარტიების ფაფხურია.
 პარტია გყავს
 წყნარად ორი,
 სხვა ოთხმოცი –
 მართულია!
 საარჩევნო მართონი
 დანყებულა –
 ქართულია!
 ვხედავ აშლას,
 ვხედავ დაშლას,
 ცხრა ფრთის
 გაერთიანებას,
 რამდენიმე კაცის ჩაჭრას,
 მტრებთან გაერთიანებას...
 ყველაფერი აირია,
 სხვა ხალხია,
 სხვა ერია,
 მე თუ მკითხავ,
 სახლი გვეწვის,
 იმნაირი ჰაერია.
 ვხედავ კაცებს,
 ვხედავ ვაცებს,

ვხედავ
 ნასუქ ყაზირალებს,
 პარლამენტზე
 სავეზიროდ
 მიმიზნებულ
 ნაციონალებს.
 მწვანე ფულით
 დიდგულობენ,
 ვცნობ ქურდებს
 და ვეჭვობ მსტოვრებს,
 „ვის მივცეთო?!“ –
 კითხულობენ,
 დაათრევენ
 სავსე ტომრებს...
 ეს მწერლობა
 ხმას არ იღებს,
 ხომ ნამდვილად
 ღარიბია,
 აქ არავინ არ იფიქროს,
 რომ პოეტი „არიფია!“.
 ყველაფერი აირია, –
 სხვა ხალხია, სხვა ერია,
 აქ არავის არ ეგონოს,
 რომ მწერლობა –
 „ფრაერია!“.
 პარლამენტში
 ვინც ჰყავს, რაც ჰყავს,
 ხედავს,
 სუყველაფერს ხედავს,
 სულში აფურთხებენ
 სანყალს,
 გასაბედავს
 ესრეთ ბედავს:
 ჯერჯერობით
 ხმას ვერ იღებს,
 გულში...
 იგინება დედას!

1999.

ღამობს ყოველი...

ღამობს ყოველი,
ვინც მოექცა ამ კაცთან ახლოს,
მოიგოს რაღაც,
სარგებელი პირადი ნახოს...

ვთქვათ, მინისტრობა, -
თაფლით კასრი, შარბათით კოკა!
გუბერნატორის,
ქვეყნის ელჩის, მრჩეველის ტოგა!

ღამობს ყოველი,
ვინც აღმოჩნდა ამ კაცთან ახლოს,
გამორჩეს რამეს,
სარგებელი პირადი ნახოს...

კი, პირადულზე
ვის დაუდევს ან როდის ტაბუ?!
მაგრამ - ციც! ფრთხილად! -
იმახსოვრებს ყველაფერს „ბაბუ“

და, თუ ვიქეციოთ
ხვეჭად, გლეჯად, ხვნეშად და ჭამად,
ერთ მშვენიერ დღეს
ამოგვადენს ყველაფერს შხამად...

ღამობს ყოველი,
ვინც მოექცა ამ კაცთან ახლოს,
მოიგოს რაღაც,
გამორჩენა პირადი ნახოს!

რუდაძი იტყვის...

პოეტზე იტყვის, –
 ჯამი იტყვის, ფეჰლევი იტყვის,
 რუდაძი იტყვის, –
 სიტყვასიტყვით ამასვე თითქმის:

– შორიდან სალმით
 შენს ხელმწიფეს დასდები ფასი –
 კაცია ისიც –
 მაგრამ მაინც ქვეითად გასნი!

არ შეგეშალოს,
 არ გაბრიყვდე,
 არ იყო ბავშვი –
 არამც და არამც
 არ ჩაუჯდე
 ხელმწიფეს ნავში!

ვთქვათ, განყრა ღმერთი.
 ქარაშოტმა დაჰბერა ავმა.
 მიემსხვრა მეჩეჩს,
 ანუ ზღვაში დაყვინთა ნავმა.

იტყვიან ერთნი:
 „აეკიდა ხელმწიფეს გზაში.
 ვერ უვაზირა –
 ვაზირობა იცოდა ნავსი!“

იტყვიან სხვანი:
 „უყვარდაო ლიქნი და ტაში!“
 შენ დაგბრალდება –
 ჩავარდები დუნისს ყბაში...

არ შეგეგეშალოს,
არ გაბრიყვდე,
არ იყო ბავშვი -
არამც და არამც
არ ჩაუჯდე
ხელმწიფეს ნავში!

ხოლო თუ დაცხრა,
ვინც დღეებში ქარიშხლებს ურევს,
ნავმა მშვიდობით
მიაღწია დიდების ყურეს. -

დიდებას დიადს.
არ გაბრიყვდე, ხელმწიფე ჰპოვებს.
ხელმწიფის ჩრდილში
მოგიხდება დადგომა პოეტს...

კვარცხლბეკზე მდგარიც
და ქარიშხლით წყალწაღებულიც -
ასეც და ისეც -
ხალხის თვალში ხარ წაგებული!

მაშ, გასწი ფეხით!
პურს გინვდიან ჩანგში და თარში!
სვი ხალხის ღვინო -
ხალხის შვილი ხალხადვე დარჩი!..

არ შეგეშალოს,
არ გაბრიყვდე,
არ იყო ბავშვი -
არამც და არამც
არ ჩაუჯდე
ხელმწიფეს ნავში!

1979

საქართველოს
პარლამენტის
ეროვნული
ბიბლიოთეკა

ბათენდა სოფლად...



უცხო კაცები
 უპატრონო ყანას თიბავენ,
 აქ, ჩემს მამულში,
 ხეხილები არას იბამენ...
 არ ვიცი, მსხლები
 რას სწუხან და მგლოვიარობენ,
 რომ ესე ცუდად,
 ასე ძუნწად მსხმოიარობენ...
 ჰა, თეთრი ბლები!
 (ვერ ვესწრები კვაშხიეთს ბლობას!)
 ჰა, მწარე ბლებიც!
 (ვუპირებდი მე მაგათ მყნობას!)
 ჯუჯა ვაშლები,
 კეხურები ხმება წახრილი,
 მეც ვბერდები და
 ჭანჭურებიც ჩემგან ჩაყრილი...
 ფიქრია ამბობს:
 „არ დაგყვაო შენ ნიჭი გლეხის –
 გამოსპირვა და
 ახლის ჩაყრა სჭირდება ხეხილს!“
 გათენდა სოფლად...
 აივანზე ზაზაც გადმოდგა,
 საინტერესო,
 საქმიანი აზრი გამოთქვა...
 რა ვუთხრა ამათ!
 მე რომ ვიტყვი, ძველისძველია,
 ჩემი პასუხი
 კაი ხალხურ ლექსში სწერია:
 „მე ჩემი კალო გავლენე,
 გადავაყენე ხარები...
 აეხლა – თქვენი ჯერია,
 ოფლის ადინოთ ღვარები!“
 1999.

* * *

ელიზბარ თოდაძეს

შვილიშვილს ბაბუის დაარქვეს სახელი,
 ბიჭუნას ელიზბარი ერქვა...
 მოეთრა სიკვდილი, თვალეზ-დასათხრელი,
 და მხარი მოსტეხა ძელქვას...

იყო დღე – წყეული ყვავ-ყორნის ჩხავილით,
 იყო მზე – დამხრჩვალ ღრუბლებით, შავით,
 ტონობით, ტონობით, ტონობით ყვავილით,
 პანია, სამუდამო ნავით...

ყმანვილის სამარეს აწვიმს,
 ჩაქრა დღე – ვაის და ვიშის...
 იყო ყრმა – კაცური კაცის,
 ელიზბარ თოდაძის ჯიშის...

ჩადიან, ამოდინ მზეები,
 ბნელდება, თენდება გვიან
 და დიან უსულგულო დღეები
 და ამას ცხოვრება ჰქვია...

და დადის ბაბუა ელიზბარი,
 სანუთროს ნისლსა და ბურში,
 პატარა ელიზბარით, პატარა ელიზბარით,
 პატარა ელიზბარით გულში!

1999.

* * *

ამიღებთ,
 წამიღებთ, დამფლავთ, –
არაფრის
 თან არ ვარ წამლები, –
თქვენ რჩებით! –
 შეგერგოთ თაფლად!
შაქრად თქვენ –
 წუთისოფლის ბაღები!

1999.

76 წლის ჭაბუხა ამირეჯიბს
75 წლის მუხრან ლიბანიძისაგან

დავბერდით, ჭაბუხა,
ვართ დაჩეხილ-დაკერებული,
ვართ შავ დღეში და
ვართ ნამდვილად დაბერებული,
თეთრი დღეები
გვაქვს კაი ხნის დამღერებული...

მთელი ცხოვრება
ერთ ნაბიჯზე ფეხდაფეხ მოგდევე,
ძმობის, ერთობის,
სიყვარულის ქამანდი მოგდე...
არ გაბედო,
თუ ძმა ხარ, მოკვდე!

მოვხუცდით, ჭაბუხა,
ვართ დაჩეხილ-დაკერებული,
ვართ ფაიზალად,
ვართ ნამდვილად დაბერებული...
მტრისთვის თვალი გვაქვს,
მე თუ მკითხავ, დაყენებული!!!

1997.

* * *

ჩვენი დრო გათავდა! ან შენ წახვალ, ან მე გაგასწრებ,
გაჩნდება სანანური: ადამიანურად
ერთ-ერთ ჩვენგანს ცუდი დღე დაადგება,
აქტუალური, საჩოთირო დაისმის კითხვა:
ვის უნდა გადაედგა ნაბიჯი ვისკენ?!

ვის უნდა ეთქვა: – „გამარჯობა, ჩემო ძამია!
რალაც ვერ გატყობ დიდ სიხარულს დროის ცვალებით!
მოსნი ეგ შუბლი! მო, მოგბანო გამხმარი სისხლი!
რას იქმ?! რას შვრები?!
რით იმოკლებ მონყენილ დღეებს
ჩვენს დამარცხებულ,
ჩვენს მონამლულ
მთვრალ სამშობლოში?!“

მე შენ გაჯობე! – შენზე უკეთ არავინ იცის!
რა აზრი აქვს ჩვენს შორის ჯობნას!
დამარცხებულ ორ მებრძოლს შორის
გამარჯვებული – არ ვზეიმობ ამ გამარჯვებას!
მე შენ გაჯობე! – საქართველო მენადა ჩვენთვის,
შენთვის და ჩემთვის,
თვისტომისთვის, ჩვენი ჯიშისთვის!
სულაც თავისთვის – ჩვენს შემდგომად და ჩვენს
გარეშე,
სულაც უჩვენოდ – უზენაეს მშვენიერებად...
შენ – საქართველო გინდოდა მარტოს!
გინდოდა მარტოს საქართველო საკუთრივ შენთვის –
ფუჭი, ამო,
გუდაფშუტა დიდებისათვის...

ვინ, ვინ უარყავ?!
ვის გაჰყევ და
ვის გვერდით
დადექ?!

სალაპარაკოს,
საკვლევ-საჩხრეკს ტონობით ვტოვებთ,
შთამომავლობამ, შვილთაშვილმა და, მის უმაღლეს,
უფალმა გაგვიკითხოს!!!

1997.

* * *

მე არც ძველს ვუმღეროდი „ლალეს“ და
არც ახალს ვუგალობ „ჰარალეს“ –
მე რომ გამინათებს თვალებს,
ეს ის საქართველო არ არის!

მაგრამ საქართველო მოვა,
მე გული მხნეობას მავალებს,
გადივლის ღრუბლების ხროვა, –
ეს ხომ საქართველო არ არის!

სული სწუხს ჭუჭყიან ქარებს,
მკვდრადშობილ ოცნებებს ვალალებს...
მე რომ გამინათებს თვალებს,
ეს ის საქართველო არ არის!

1997.

* * *

მე დავბერდი და მე დავილაღე,
ამ სიბერეშიც ვერ გავიხარე;
ვის ვკითხო აზრი
ამქვეყნად თრევის, –
არ გამითენდეს ნეტავი ხვალე...

მე დავბერდი და მე დავილაღე,
თავისუფლებით ვერ გავიხარე...
მეც, მეც ნავაგე
აფხაზეთს ომი
და შუბლში ტყვია ვერ დავიხალე.

1995.

* * *

(იუმორისტაბ)

მინახავს კაცი ცხენზე შემჯდარი,
ჯორზე შემჯდარი კაცი მინახავს,
თვითონ ვყოფილვარ ბევრჯერ შემცდარი,
ჩემსაზე ვმდგარვარ, წყალი მინაყავს...
ამას ძმაკაცზე ვამბობ გულწრფელად, –
„მის უკეთესი დღესაც ვინა მყავს“, –
ამსიგრძე კაცი (ჩამოუსვლელად!)
ვირზე შემჯდარი ჯერ არ მინახავს.

1995.

ჩეჩნეთი

ჰგავს დღეს ჩეჩნეთი მარტორქას შეშლილს,
 ეს კოლო-ბუზი დიდ რუსეთს ერჩის, –
 ვინ, ვინ შეჰბედა სხვამ რუსეთს რჩოლა –
 ვაი, სირცხვილო! – შური მჭირს ჩეჩნის!
 დასსუქებიან – ჩვენს კაცებს გავა,
 მჩხავანა კატა – ყასიდად სჩხავა,
 არა მგონია, წავიდეს ომში,
 ეგ დილის ხაშზეც სალამოს წავა...
 კი, კბილის მატლი რუსია ჩეჩნის,
 კი, ხიშტს კაზაკი გულ-ფილტვში შესჩრის,
 ხომ ჩემი სისხლი ჩეჩნებმა ხვრიპეს, –
 რაც გინდა თქვი და, შური მჭირს ჩეჩნის.
 ჰგავს ეს საჩეჩნო მარტორქას შეშლილს,
 კოლო-ბუზია და ვეშაპს ერჩის...
 ვაი, სირცხვილო! – დავითის პატრონს,
 ერეკლეს პატრონს – შური მჭირს ჩეჩნის!

1995.

* * *

წიგნი, რომელიც ანათებს
 და მზის ამოსვლის დარია,
 ლამეს მკითხველთან არ ათევს,
 წაუკითხავად მკვდარია...
 დგას კაცი, ფიქრით ყვითელი,
 ვიტრაჟს ჩასცქერის... ქარია...
 მაგ წიგნის ნაღდი მყიდველი
 უგროშ-კაპიკოდ მჯდარია...
 ეგ საქმე აგრე ვერ ივლის!
 სანამ მზე, სანამ მთვარეა,
 კლასიკურის და ვერლიბრის –
 ეს საქართველო მხარეა...
 ჩვენ ჩვენი ზვრები შევსაოთ,
 ხვალ-ზეგ კვლავ ლექსის დარია,
 ჩემო გივო და ემზარო,
 ჩემო ვახტანგ და ტარია!

1995.

* * *

მე რომ მეგონე, თურმე ის არ ხარ,
ლალატიანო, ყრუვ და მკვებარავ...
აღარ მიყვარხარ, აღარ მიყვარხარ,
აღარ და აღარ, ჩემო ქვეყანავ!

უმარტივესი დაგიგეს მახე,
კი, უაფთრესი შემოგეყარა...
რა აბდაუბდა ორ-სამ წელს ჩმახე, -
აღარ მიყვარხარ, ჩემო ქვეყანავ!

ამას რომ გკადრებ, გულს სისხლი სწვეთავს,
კი, ცოცხალი ვარ ვითომ ჯერხანად,
ღმერთი ხომ ხედავს, ღმერთი ხომ ხედავს,
მუხლზე ტირილით გეხვევი დედას -
„აღარ მიყვარხარ“,
ჩემო ქვეყანავ!

1994.

გურამ ჭავჭავაძის სურათზე

შენ
საღმრთოს ჰკრებდი ლაშქარს,
ბნელში ანთებდი კვარს,
თავს დაირქმევდი ჩაჩქანს,
შენ სპა გეხვია გარს.

ქარი მიჰქონდა დროშას,
დროშა მიჰქონდა ქარს,
ან კითხვისნიშნად მოსჩანს, ვის ემსხვერპლე და რას...

ინყებდა ნიჭი კაშკაშს,
ძვირფასს შვენოდა გვარს, –
დიდბუნებოვანს, ვაჟკაცს
მარლი გესროდა ქვას...

1994.

* * *

გრიგოლ აბაშიძის ხსოვნას

ვერ აიტანა გრიგალი,
სამშობლო თვალებდათხრილი,
წავიდა ჩემი გრიგოლი – კაცი ხმატკბილი...

დაცარიელდა – სკამი, დაცარიელდა – ადგილი,
გულში დაგუბდა შხამი –
წავიდა კაცი ხმატკბილი...

.....

კი, აქ ყოველი ფუჭია,
მანდ არის, თუკი რამეა,
მანდ ხეივნები ლურჯია,
დაფნებქვეშ გრძელი სკამია,
საფიხვნოთ, სალაპარაკოდ
მანდ გრძელი თეთრი ღამეა...
მანდ შევხვდეთ,
მანდ დამელოდე,
ჩემო უფროსო ძამია...

.....

ვერ აიტანა გრიგალი,
სამშობლო თვალებდათხრილი,
წავიდა ჩემი გრიგოლი – კაცი ხმატკბილი...
დაცარიელდა – სკამი,
დაცარიელდა – ადგილი...

1994.

* * *

დავითს გადმოჰყავდა ოსეთზე ყივჩაღები –
ორმოცი ათასი ოჯახი დათვლით, –
ოსებმა უპასუხეს ქარქაშში ხმლის ჩაგებით, –
ყივჩაღი გაატარეს
დავითის ხათრით...

კი, გეამაყებათ თქვენც თქვენი დროშების,
კი, სისხლის ყივილი ჩვენ-ჩვენი გვათრობს, –
სად იყო იმხანად ქვეყანა ოსების, –
ეგ თქვენი ირისტონი,
სად იყო ამ დროს?!

ოსების ნახევარი დღეს ჩემს სახლ-კარშია,
იმ საუკუნეში, თორმეტში რიგით,
იყო საოსეთოდ ჩრდილოეთ კავკასია, –
ესახლეთ –
დარიალს იქით...

ჩვენ თქვენგან დაპყრობილი აროდეს ვყოფილვართ,
გავჩხრიკოთ წარსული – გისმენთ!
ჩვენ გულუბრყვილობით საქვეყნოდ ვცნობილვართ,
ჩვენ შეგიფარეთ და –
გიძმეთ...

დავითს გადმოჰყავდა ოსეთზე ყივჩაღები –
ორმოცი ათასი ოჯახი დათვლით, –
ოსებმა უპასუხეს დავითს ხმლის ჩაგებით, –
ყივჩაღი გაატარეს
დავითის ხათრით...

1994.

* * *

ბური! ბური! ბური მიწის,
მიწის ბური ნანილდება...
ვაჰმე, აფხაზეთი იწვის, -
თეთრ დათვს -
შავი ზღვა სჭირდება...

უკვე - კელასურიც იწვის,
ცხუმს - ბეტონი ნახშირდება...
ზეცა იწვის, მიწა იძვრის,
თეთრ დათვს -
შავი ზღვა სჭირდება...

ბევრი სისხლი განვიმდება,
ბევრის დედა ატირდება,
ჩეჩენს ზღვას ვინ მიაქვავებს,
თეთრ დათვს -
შავი ზღვა სჭირდება...

ბური! ბური! ბური მიწის,
მიწის ბური ნანილდება...
ვაჰმე! - საქართველო იწვის,
თეთრ დათვს -
ჩვენი ზღვა სჭირდება!

1993.

* * *

გასჭირვებია

ხალხად ჩვენი ცნობა ევროპას,
ვაი, სირცხვილო,

ავად ხართო, როგორმე მორჩით! –
შვიდასი წლის წინ

პატივს სდებდნენ ქართულ მხედრობას
ერუშალაიმს

შევდიოდით გაშლილი დროშით!

1992.

ყვარყვარე □ პარლამენტში!

ყვარყვარე □ დაბა-სოფლად!

ჩვენი დღეების ქარში, –
 ვწუხ, რომ აუგი დამცდა, –
 ამ ჩვენს მთასა და ბარში
 უხვად ყვარყვარე გაჩნდა.

ზეობს ყვარყვარე, მხნეობს
 ბარე თხუთმეტი მასტის,
 ერისთაობას რჩეობს,
 ითხოვს და კიდევც გასდის.

ამბობს: „ბითური ხვარ ვარ,
 მინისტრის ტოგა მაცვით!
 თქვენს მიტინგებზე ვმდგარვარ –
 პრეფექტად მაინც დამსვით!“

ყვარყვარე – პარლამენტში!
 ყვარყვარე – დაბა-სოფლად!
 ყვარყვარე – საფრანგეთში
 ელჩის ნამდვილის მჯობნად!

ჩავაჟღერიალებ ფანდურს,
 ვიტყვი: „უშვერად მოხტით!“
 ჩვენს მოძრაობას ქართულს
 ვკადრებ ბოდიშის მოხდით:

– მწარეა, იდგეს ომში
 კაცი, ჩრდილივით ჩუმი,
 სწამლავდეს სამშობლოში
 გმირს
 ყვარყვარეზმის ბუმი!

1991.

* * *

თავი აიშვა პრესამ
რეკოლუციის ქარში:
კაცურ კაცს სთათხავს ქლესა,
დებილი აჰყავთ ცაში.
კონიუნქტურულს, დამპალს,
დამქირავებელს, ბეჩავს
და ცხრა მთავრობის კახპას –
თავსლაფი მაგ თქვენს პრესას!
კიდევ კარგი რომ არის, –
იყო და არის დღესაც, –
პრესა, იმედად ხვალის –
წარბშეუხრელი პრესაც!
მაშ, გაუმარჯოს ასეთს, –
სიტყვას და საქმეს ჩვენსას, –
თითო-ოროლა გაზეთს –
ვერვისგან ნაყიდ პრესას!!!

1991.

სიმღერა

(იუმორისტაბ)

- 1 -

თოხს, უროს, არშინს ვაჭრისას
იმპერატორის ხმალი სჯობს...

მისამღერი:

ყველა - თავისთვის ფაფხურობს!
ყველა - თავისთვის ჩალიჩობს!

- 2 -

ვაჭარს, ყაჩაღს და პრეზიდენტს
თავდაპირველად ქალი შობს...

მისამღერი:

ყველა - თავისთვის ფაფხურობს!
ყველა - თავისთვის ჩალიჩობს!

- 3 -

რაც შეეხება „მაგიდას“ -
ოთხკუთხს ერთის ხნით მრგვალი სჯობს...

მისამღერი:

ყველა - თავისთვის ფაფხურობს!
ყველა - თავისთვის ჩალიჩობს!

1991.

ბვიან ბავიღვიძეთ

გვიან გავიღვიძეთ – ბორბლებაშვერილი,
გადაბრუნებული ლაფში ნევს ურემი...
საკუთარ სამშობლოში ობოლი ბავშვები ვართ,
სახლის პატრონობას ჩემობენ მდგმურები.

დროდადრო ლამის ტვინი ავასხა ცამდე, –
ეს ჩემი ნყალ-ჭალა რომ მიაქვს, ვისთან მიაქვს!
მნადს თავი გავუპო პრიმიტივს ამდენს,
ზედ გადავუარო ამდენ ხისთავიანს!

გვიან გავიღვიძეთ – ჭიშკრები დაღებული!
(ტყემალზე თუ არა, ხომ ვსხედით ჭადარზე?!),
რის თავისუფლება – სამშობლო ნაგებული,
მინები დაყიდული ლეკზე და თათარზე!

ანაზდად სულს შესძრავს ყმული სისხლის,
სისხლი საკუთარი ანაზდად აყვირდება, –
საკუთარ სიგლახის მხილება გვიხსნის,
საკუთარ თვისტომის თავდაღმა დაკიდება!

გვიან გავიღვიძეთ – ბორბლებაშვერილი,
გადაბრუნებული ლაფში ნევს ურემი...
საკუთარ სამშობლოში ობოლი ბავშვები ვართ,
სახლის პატრონობას ჩემობენ მდგმურები.

1990.

„ადამონ ნიხასს“,
ყრილოზას ლიხნის!

მე მინდა ვუთხრა „ადამონ ნიხასს“,
რომ თვისი ხალხი მცდარი გზით მიჰყავს,
და შევავსენო ყრილოზას ლიხნის
კანონი ბრძნული –
სისხლის ნილ სისხლის!

ოსო, შენ ვოლგის ზვირთი დაგიყეფს,
აფხაზეთთან ერთად ანდერძს აგიგებს...
ჩემი ლიახვი შენ არას გერჩის, –
დიდი მდინარე,
ოსო, წაგიღებს!..

ერთხელაც ვეტყვი „ადამონ ნიხასს“,
რომ დალუპვისკენ თვისტომი მიჰყავს,
და შევავსენებ ყრილოზას ლიხნის –
ჩვენს კანონს ურყევს,
სისხლის წინ სისხლის!

1990.

გაფხუღი □ 1990

თბილისში ვარ, ივლისია,
 მზე, ასფალტი, მწველი ხვატი...
 შორს ქვიშხეთი ჩრდილებშია,
 ქვიშხეთშია ჩემი რატი...

შიში - ქვეყნის მდგომარების!
 ბაზარს - „ნეპის“ სუნი უდის!
 ჯგლეთა - „არაფორმალეზის“!
 რიგი - ბენზინის და ლუდის!

მზე და ხვატი გვახვევს თავბრუს,
 დულს ასფალტი, ვწყევლით ზაფხულს;
 მეჩქარება სექტემბერი,
 მენატრება ბიჭი ბაბუს.

ვინ - განზე ვართ! ვინ - შუაზე!
 ვინ - უკან და ვინ - წინ ვდგებით;
 ვინ - „პოზე“ ვართ! ვინ - „უარზე“!
 დავიღალეთ მიტინგებით...

„მრგვალ მაგიდას“ ვხედავ ბაღში, -
 არ ჩამოვთვლი მაგათ გვარებს, -
 აღარ მირეკავენ სახლში,
 აღარ „ვევასები“ მრგვალებს...

სპეკულანტებს ვთათხავ თახსირს,
 ბაზარს „ნეპის“ სუნი უდის...
 რიგი - პურის, რიგი - ტაქსის,
 რიგი - ბენზინის და ლუდის!

1990.

* * *

ძალას დაატანს ეს რუსეთი დღეს თუკი ჭკუას,
 განითლებაზე
 მსოფლიოს
 იტყვის რა უარს, –
 თავს დაანებებს დერჟიმორდულ ამპარტავნებას,
 სხვა ხალხებისთვის
 თითის ქნევას,
 ჭკუის სწავლებას,
 მოეშვება რა სხვის საქმეში ცხვირის ჩაყოფას,
 სხვის მინა-წყალზე
 განსახლებას,
 ფესვის გადგმას,
 მოკლედ – დაპყრობას,
 დაეტევა რა თავის სახლში და თავის ტყავში,
 ვინ გვეყოლება,
 თუ კაცი ხარ,
 ხვალ მაგის
 ფასი...
 ძალას დაატანს ეს რუსეთი დღეს თუკი ჭკუას,
 გარუსებაზეც
 დღეს ჩვენსაზე
 თუ იტყვის უარს!!!

1990.

* * *

ჩქარობო, მითხრეს, ცხარობო, მკადრეს,
სული წინ გისწრებს, ბერდები, წახდი;
ხავერდოვანი იყავი ადრე -
პირში მთქმელი და პირქუში გახდი...

გახედე - ნამყოს!
გახედე - ანმყოს!

გახედე - მყობადს!
ჩასწვდი - სანადელს!
მე მინდა თქვენთვის!
მე მინდა თქვენთვის
ეს მდებლოები
მალე ამწვანდეს!

და თქვენთვის ჩქარობს ოცნება წმინდა,
ვჩქარობ, არ დამრჩეს მართლაც ოცნებად
მოუსწრებელის მოსწრება მინდა
და მელანდება სხვა საოცრება.

ვრჩები ერთგული
მე ჩემი ღმერთის -
ასე გამზარდეს!
ასე გამწალდეს!
მე მინდა თქვენთვის
მე მინდა თქვენთვის
ეს მდებლოები
მალე ამწვანდეს!

ჰო, თორემ ჩემთვის რა მეჩქარება,
რა თავში ვიხლი მოგებას რამეს, -
უკვე დამქროლეს ზამთრის ქარებმა, -
რა გაანათებს ამხელა ღამეს!

თქვენი დღეები
ქვეყნისას ერთვის!
ჩემი დღეები -
დაე, გამწარდეს!
მე მინდა თქვენთვის!
მე მინდა თქვენთვის!
ეს მდებლოები
მალე ამწვანდეს!

* * *

„რას ერჩიო?!“ – კაცზე მკითხეს,
 „რას და – ეს ქვეყანა წველა!“
 „მოეშვიო!“ – ასეც მითხრეს,
 ვუპასუხე: „ვერა!
 მე რომ – ჭლექის მჭირდა ხველა,
 შენ რომ – ჭლექის გჭირდა ხველა
 და დროება შავფრთიანი
 ყელს გვეხვია გველად,
 მაგან – ეს ქვეყანა წველა,
 მაგან – საქართველო წველა,
 მაგას – მე ვერ მოვეშვები, –
 დედაჩვენი წველა...“

„რას ერჩიო?!“ – ნაზად მკითხეს
 „ხომ ვთქვი – საქართველო წველა!“
 „შეეშვიო!“ – მკაცრად მითხრეს,
 ვუპასუხე: „ვერა!“
 გენიოსს რომ ქოხი ედგა,
 ტახტზედ ეგო ნაბდის ძველა,
 ეგ ხელმწიფის კაცად შედგა
 და იქიდან გვზვერა...
 მაგან – საქართველო წველა,
 მაგან – დედაჩვენი წველა,
 მაგას – მე ვერ მოვეშვები,
 დედა – ძროხასავით წველა!“

1989.

* * *

სისხლის წვიმები ჩქეფენ, –
ვწუხ – ბლოკადებით, ალყებით
გვყეფენ, გვყეფენ და გვყეფენ,
იყეფებიან ხალხები.

ჰგავს ეს მსოფლიო ციხეს,
ვართ გულუბრყვილო ბალები, –
ლამის – მსოფლიო გვიყეფს,
გვიყეფენ „მოდმე ხალხებიც“...

ვას, ხვალევ, არცთუ ნათელო,
ჩემო ეჭვო და შიშო!..
ამაღლდი, ხალხო ქართველო!
გამაგრდი, ჩემო ჯიშო!

1989.

* * *

თეა-თეონა-თეო,
 დღეს შეგისრულდა კვირა,
 ჩემო პატარა მზეო,
 თეა-თეონა-ცხვირა!
 შობილი ერთი კვირის
 თეა-თეონა ჭყვივის...
 დიდ ცხვირს გნამებენ, ბაბუ,
 ჭირიმე შენი ცხვირის!
 გარეშე ზრუნვის, ყალბის,
 ზაზა ეტლისთვის გარბის...
 ჭირიმე შენი ცხვირის,
 ნარბზე ნაბმული ნარბის!
 კი, ვაჟი მნადდა ბაბუს, –
 ვარ ანგელოზზე ყაბულს,
 ფაციფუცშია ბებო,
 საბნებს გიკერავს ფაფუკს...
 რაც შეეხება ჩემს გულს, –
 დღეს შენი შუქით ბრწყინავს,
 შენთვის დავუვლი ლეკურს,
 გინდა, გადავალ ყირას!
 თეა-თეონა-თეო,
 რაც გაჩნდი, ხდება კვირა,
 ჩემო პატარა მზეო,
 თეა-თეონა-ცხვირა!

1988.

* * *

პოეტიად,

ჩემი ქმარი, – ხალხში რომ იტყვის, –
არათუ რისკი,
სიბრყვეა ქალისგან თითქმის...

საქართველოში

ამდამდეგ ახალწლის დამეს,
ორ-სამ ქალს ექნეს,
დიდი-დიდი უფლება ამის!

ეს გაუმარჯოს,

გაუმარჯოს იმ ორს თუ სამ ქალს,
ვინც დაყაბულდა
ღარიბ სადილს და ღარიბ სამხარს

და ქმარს, საკუთარს,

ორთავ თვალი კი არ დასთხარა,
არ აბჟუტურა
და სიგლახე არ ატატყანა, –

გამოატარა

ათწლედეგი რჩეულს კაცურად
ბენვის ხიდზე და
ხალხს პოეტი შეუნარჩუნა...

მაშ, გაუმარჯოს,

გაუმარჯოს იმ ორს თუ სამ ქალს!
მას მერე – კაცს და
კაცის შუბლზე პოეტის დამდას!

1985.

* * *

არ დაცემულა
საქართველო იმრიგად ჯერეთ, –
იხილო მსგავსი
და არ წავსკდეს
ცრემლები ღელედ.

ბაზრის ჭიშკართან,
შავით მოსილს – დღე იყო ჭრელი –
შვილების ჯიბრზე
გაეშვირა დედაკაცს ხელი.

ბრინჯაოს მაჯა
და დაჭმუჭვნილ ლანვებზე სითხე...
„დედი, ვინა ხარ?!
ქართველი ხარ?!“ –
ტირილით ვკითხე.

ის იდგა მკაცრი,
წარბშეკრული და შიშის მგვრელი –
შვილების ჯიბრზე
გაეშვირა დედაკაცს ხელი...

„მაინც, ეგ როგორ!
რა შეგემთხვა, რა მოხდა, დედი?!“
„სიკვდილი, შვილო! –
სთქვა გოროზად, –
სიკვდილზე მეტი!“

„ხუთი დავბადე,
ხუთი ჭრელი დავზარდე გველი...“ –
შვილების ჯიბრზე
გაეშვირა დედაკაცს ხელი...

არ დაცემულა
საქართველო იმდენად ჯერეთ, –
იხილო მსგავსი
და არ წავსკდეს
ცრემლები ლელედ.

* * *

„არ იყავიო
ვაჟას დღეზე ამ ზაფხულს ჩარგალს?!“ –
ვინ, ვინ მიბედავს?! –
ხელფასს იღებს ეს კაცი მაღალს

მხოლოდ იმაში,
რომ ესწრება თავშეყრებს ჩვენსას,
გვადევნებს თვალყურს,
მწერლუკანა მწერლობას მწყემსავს...

მე წამოვწითლდი
და ხელახლა გავთეთრდი რისხვით:
„რაო, რა ბრძანეთ?! –
ჩავეკითხე არაკაცს ზიზღით, –

ჩემთვის ყოველდღე
ვაჟას დღეა! – ვუთხარი მკაცრად, –
და ილიასიც, სხვათა შორის!“ –
შებრუნდა, გამრა...

რად პირს არ გახსნი,
დედამინავ, თან არ ჩამიტან,
ათას თახსირთან
რომ პურს მაჭმევ ერთი ჯამიდან!

1983.

შპრშერა შიზნგი

ჩემს რევაზს, ჩემს იზოს – ჩემს ძვირფას დაიას:
ეს ჩვენი წილხვედრი დღეები ჩაიარს...
გაგრძელდეს! გაჭრელდეს! ვარ ამის მთხოველი,
კი! მაგრამ ჩაირბენს, ჩაიფრენს ყოველი! –
ჩაქრება – სანთელი, მელანი – დაშრება
და, რაკი სიკეთის გრძელია არსება,
დარჩება ეს წიგნი და წიგნთან მარადჟამს
ჩვენი მეგობრობის ყვაველი დარჩება!

1982.

* * *

სახლი – ავაშენე! – კორდი – გავათენე!
რატი ლეზანიძეც მეყოლა...
ვინც ვერ ააშენა, ან არ ააშენა,
ათასი მოჩმახა და შეყორა...
სახლის დედაბოძი მინიდან ამოსული,
თავისით ამოსული ეგონა!

1982.

* * *

ორლობის თოვლში კაცები დგანან –
ჰკვენესენ, კასპისას კლდეს გასცქერიან,
„ვეფხისტყაოსნის“ სამეზას ჰგვანან –
თოვს და სამშობლოს ზამთარს შვენნიან...
არც ნამეტნავად მთვრალეები ჩანან,
არც მთლად ფხიზლებში სწერიან...
„საქართველოო ლამაზო“...
ჩემი დაიას ლექსსა მღერიან.

1982.

* * *

წვრილ სარკმელში ხიდის კიდის
ძენნა ჩანს და წყარო ჩანს;
ხიდზე თეთრი ქალი მიდის –
ტანს მთარხევს საროსას...

ახლა – ქალაშავა ჰკიდებს
ტოტზე კაბას ჯვალოსას –
ვხედავ გახდას ჭრული წინდის,
სხეულს ვხედავ საოცარს...

ღმერთო, ღმერთო, სისხლის ჩქერას
გმადლობ ამ საღამოსას...
ნუ მომიშლი ცისკრის ცქერას,
მზის ჩასვლას და ამოსვლას!

1981.

* * *

არაფერი! – მოცდა მცირეოდენი!
არაფერი!

ქვადქცევა და ლოდინი!

სიბრიყვეა ახლა დაფნის პოტინი!
არაფერი! –

მოცდა ... მცირეოდენი!

ქარი ღრუბელს მიდენის და მოდენის...
ხედქცევა და

ქვადქცევა და ლოდინი!

სულთმობრძავის მესმის ავთარის ხროტინი...
ოჰ, ლოდინი!

ლოდინი და ლოდინი!

1981.

* * *

მენადა, ქართველს მევლო ქართველად,
ის, რაც მნამდა და მკლავდა – მეხატა...
ვგონებდი, მშობლის ასე ადვილად
სესხი და ვალი გადამეხადა...

მივალ! მივდივარ! ვლონდები შენით!
ხვალ-ზეგ მომსვლელი, ალბათ, მიხვდება:
მხოლოდ სიკვდილით! – ცხოვრებით გრძელით
სესხი და ვალი არ გადიხდება...

შენ ჩემი წიგნი სახსოვრად გქონდეს, –
მე მზის ქართულის მითქვამს სიცხოვლე, –
ასიათასჯერ მე გიხდი ბოდიშს –
მაპატიე, რომ დიდხანს ვიცხოვრე!

მივალ! მივდივარ! ვლონდები შენით
და ყელგალადრულს აქ მრჩება თვალი...
გადაუხდელი ცხოვრებით გრძელით
მიმყვება შენი სესხი და ვალი!

1981.

* * *

დიდებულად - წვიმს, დიდებულად - თოვს,
დიდებულად ქრის ქარი - ქარაშოტი...
არ დაგცდეს საყვედური წვიმაზე, ქარზე -
არ თქვა წუთისოფლის
აუგი არასოდეს!

საზიზღრად იწვიმებს, საზიზღრად ითოვებს,
საზიზღრად იქროლებს ქარი - ქარაშოტი,
ჩვენ რომ დავიღლებით, ჩვენ რომ არ ვიქნებით
და სხვა რომ იქნება -
მკერდზე ყაყაჩოთი!

1981.

უახლოვდება კახი იგი როდესაც ოთხმოცს

(მინიბიკინება)

დამძიმებული –

საუკუნის, მუხთალის, ცოდნით,
ერთგვარი ნიჭით
და მედროვის მურდალი ცოდვით,

ნაპარპაშევი –

ლიქნით, ზაკვით, კაცის გაცემით,
ინტრიგის ხლართვით,
და ზურგსუკან დაშნის დაცემით,

აღზევებული –

რით! – სახელის სყიდვით, ვაჭრობით,

სიბრიყვით ჩვენით,
უფრო ზუსტად – ჩვენი ლაჩრობით, –

უახლოვდება
კაცი იგი როდესაც ოთხმოცს,
როცა სინდისი
შეანუხებს და პასუხს მოსთხოვს.

მაინტერესებს,
ერისკაცად შერაცხვა თვისი
რა ფიქრებს აღძრავს
გველაძუა მოხუცის ტვინში?! –

გაკვირვებულმა
ეს მე გკითხე მეგობარს სანდოს,
შენ გაგეცინა,
მთანმინდისას დავცქერდით პლატოს,

(მანქანა ჩვენი
მიგვაფრენდა შინდისისაკენ...)
და შენ მითხარი:
– შენუხება სინდისისაგან
შორსაა მისგან!
დიდი-დიდი – ნაგლეჯი იჭვის:
„ღმერთს მადლობაო,
ის, რაც იყო, არავინ იცის!..“

და კიდევ:

„მშვიდობით!
გალმა სადგური მოჩანს!
ან სააქაო
ფეხებს ვერ მომჭამს!“

1982.

* * *

დილის ბინდში ვერის ხიდზე მოვხვდით...
 თოვდა, თოვდა... რა კარგია თოვა...
 გადამიდგა და ბოდის მობლივით
 გამაჩერა, სიგარეტი მთხოვა...

მივანოდე, - გაიხარა კაცმა,
 მოვუკიდეთ, - მთვრალი ვარო, მითხრა
 გავაბოლეთ, - გულის ფსკერზე დათბა,
 სთქვა მადლობა, რა დროაო, მკითხა...

მე ვუთხარი, - ხუთი იყო დილის,
 ხიდზე დავრჩი, ის გავიდა გაღმა,
 „ეჭეჭეი!“ - შეუძახა თბილისს
 და ღიღინით ვერის შეღმართს აჰყვა...

თოვდა, თოვდა, სიგარეტი გვექონდა,
 თოვდა, თოვდა... რა კარგია თოვა...
 რა კარგია - რა ბევრი და ცოტა:
 თოვლში კაცმა სიგარეტი მთხოვა!

1980.

* * *

იმდენი ვწერე სოფლის დაშლაზე,
შქერზე, პარტახზე, ობლის ვარსკვლავზე,
მთებზე,
ღრუბლები
სადაც ოდენ
დაბალახობენ,
რომ დავიღალე ამდენი წერით,
მე გავჩუმდი და იმ სათქმელს ჯერით
უკვე თავისად
ახლა სხვები ლაპარაკობენ...

. . .

– მერედა რას ნუხ?!
ხომ შეიგრძნო ერმა და ბერმა
პარტახის გესლი?!
განვლო რალაც ათიოდ წელმა, –
აღმოცენდა კეთილი თესლი!

1979.

* * *

ორმოცდაათის მერე
ვატყობ, ადვილად ვთვრები.
ვწუხვარ, გულს ველარ მტკენენ
ჩემი პატარა მტრები.

ხომ ისევ იმას წერენ,
ვლიან იმავე გზებით –
ორმოცდაათის მერე
შემწყნარებელი ვხდები.

დრო ჰქრის როგორღაც სწრაფად,
ვატყობ, დამოკლდნენ წლები...
ეს სიბერეა, ალბათ!
ვხვდები, ძამიკო, ვხვდები!

1978.

* * *

მე თუ მკითხეს,
 შენ თუ გკითხეს, ჩვენ თუ გვკითხეს,
 გვყავს ვინ, გვყავს ვინ სხვა, უმეტეს ღირსეული!
 აქ, პონტისპირ, აქ გრანიტში უნდა იდგეს,
 აზიიდან

ევროპისკენ მიქცეული!

იდგეს, ბოსფორს და ბალკანეთს გაჰყურებდეს,
 არც ბრძენკაცად, არც ცხენ-კაცად დაშტამპული,
 რაღაც სულ სხვა – ახალ დღეებს მსახურებდეს
 უსაშველოდ

ღიადი და მასშტაბური!

როგორც რამე კლდე ჰყუდია ზღვისპირ ცამდის,
 კაცისთავა კლდე გინახავს გიგანტური,
 იდგეს ასე – ისტამბულს და ბოსფორს ჩანდეს
 აზიიდან

ევროპისკენ მიმართული!

ხოლო ზღვაში ხომალდები ირწეოდეს
 და ხმამალლა და აშკარად, დღისით-მზისით
 საქართველო მისი ნახვით ინყებოდეს,
 ინყებოდეს

საქართველო სწორედ მისით!

და ჰყვოდეს პონტისპირად ბალი სწრაფად
 და ჰყვებოდეს უცხო გემზე ნაოსანი:
 ეს არისო ამ პატარა ხალხის პაპა;
 ეს გახლავსო

დავით-მეფე საოცარი!

მე თუ მკითხეს,
 შენ თუ გკითხეს, ჩვენ თუ გვკითხეს,
 თუ ვართ ხალხი და ხალხი ვართ ღირსეული,
 აქ, პონტისპირ, აქ გრანიტში უნდა იდგეს,
 აზიიდან

ევროპისკენ მიქცეული!

1977.

* * *

- 1 -

მე ვიყავ ბათომს,
 ვიყავ ხულოს და ვიყავ ქედას,
 მებრალეობდი
 ამ სიცხეში აქ დარჩენილი.
 შენ აფხაზეთში
 გაქცევიხარ საყვარელ დედას,
 „მამა ძალიან მომენატრე“...
 მაგიდაზე დამხვდა წერილი.

- 2 -

შენ ხარ სათნოება! ირგვლივ სხვა დროება
 ბრუნავს და ვსასოებ ღმერთს:
 „მიმყოფე ბედნიერი! მიმყოფე ბედნიერი!“
 შენთვის ვიმეორებ ერთს.

ათასი - უღირსი, ათასი - უხეში,
 და კიდევ გეტყოდი მეტს,
 ათასი - უტიფარი, ათასი - უმნიფარი
 ბედს გააფთრებული სჭედს.

იყავ ბედნიერი! გფარვიდეს ზეციერი!
 ეძიე, ეწიე ბედს! -
 ენა - იმეორებს, ტვინი - იმეორებს,
 გული იმეორებს ერთს.

1977.

* * *

გარეთ წვიმაა, ტყეები დალბა,
ოთახში სუფევს ინტიმი წვიმის,
შენ თარგმნი ჯონ რიდს, გინთია ლამპა,
გესმის წკრიალი თხევადი სიმის.

გიყვარდა ვინმე, უყვარდი ვინმეს?
– „აუ“! – ელოდი პასუხად „აუს“?
შეჰფარებიხარ სოფლისას მღვიმეს
გამოჰქცევიხარ ქალაქის ხმაურს.

გჭირს კაეშანი ფერმკრთალს და ამაცს,
შეგტირის გული მონყენილ ყვავილს;
უთხარი რამე შენს მოხუც მამას, –
განუცამტვერე გუმანი ავის!

ხარ ოცდაორის აგვისტოს თორმეტს –
ვერ გააგონე ძახილი გულის,
თუ გულისძგერით ის შენსკენ მორბის
და თვითონ შენ ხარ მიზეზი წყლულის?!

წვიმს, სულო ჩემო, ტყეები დალბა,
ოთახში ბუდობს ინტიმი წვიმის,
კითხულობ, თარგმნი, გინთია ლამპა,
გესმის წკრიალი
თხევადი სიმის.

1977.

* * *

კაცი –
 გაფუყული დადის,
კაცი –
 ღრუბელივით დადის,
სპასალარის
 მიხრა-მოხრით,
მკაცრი
 გამოხედვით ყადის.

ანუ –
 არის ბრძენი ვინმე,
 ანუ –
 ქატოდ არ ღირს მჭადის,
 ამას ვწუხ და
 ამას ვტირ მე –
 ჩვენი
 მოტყუება სწადის.
 მაგრამ
 ოცი წელი გადის!
 ვთქვი თუ:
 არ ჰყავს მთქმელი მართლის,
 თვითონ –
 კეისარმა უთხრას,
 რაკი
 წელიწადებს არ თვლის!
 მაინც –
 იანვრები ბარდნის,
 სდევს
 თებერვლებს ჭყაპი მარტის –
 არცა –
 ქვეყნის ბოსტანს ბარავს,
 არცა –
 ქვეყნის ვენახს ხარდნის,
 დღესა ყოველს
 ესრეთ სჩადის:
 ზუსტად
 ნახევარზე ათის
 „ვოლგის“
 სავარძელში ჯდება
 მიღმა –
 აბრეშუმის ფარდის.

1977.

* * *

ბოღჩებით და ყავარჯნებით
 გრძელი სოფლის კართან ვდგევართ;
 მოკლე სოფელს არ დავრჩებით,
 ყველა გრძელ სოფელში წავალთ!

კეისარიც, სპასალარიც,
 თვითონ რომის პაპიც თავად
 (სხვა სოფელი არსად არი!)
 ყველა გრძელ სოფელში წავალთ!

ამ ტალახებს გავშორდებით,
 ამ ორღობეს ლაფში ვყავართ...
 მადლობა ღმერთს, გავსწორდებით,
 ყველა - გრძელ სოფელში წავალთ!

1977.

* * *

სადაც შეხვედი, ღვინოს განვდიან,
დღეა ჭირის თუ ლხინის;
თუმნის გადახდას შენ არ გაცდიან –
გული მადლობას ყვირის.

შენ კარგად იცი, ვინც ხარ და რაც ხარ,
ანუ რატომ და რისთვის,
რუსთველის პატრონი ერთ პოეტს, სანყალს
ჭიქას გივსებს და გინვდის.

ოჰ, საქართველოვ, ჩარგლის, ყვარელის,
ჭყვიშის, სხვიტორის ტკბილის,
ჭირიმე შენი პურის, მარილის,
შენგან მოწვედილი ღვინის!

1977.

* * *

უძვირფასესი იყო ზაფხული, –
ვარ კორდზე თქვენით დასახლებული!
რა მოსავალი იყო ზღაპრული –
ყოველ ნაბიჯზე
 ლექსი იყო ... ჩასაფრებული!

რა არის ლექსი, თუ არა გრძნობა,
გრძნობა ასნილად გამძაფრებული!
იყო მარტივი სოფლური ყოფა –
ყოველ ნაბიჯზე
 ლექსი იყო ... ჩასაფრებული!

ჩამომითოვა სამშობლო მთები,
დავკეცე ქოხი – დამრჩა კრებული.
რას ნიშნავს ფრთები! რას ნიშნავს ფრთები!
ყოველ ნაბიჯზე
 ლექსი იყო ... ჩასაფრებული!

1977.

* * *

ჩანგო ჩემო, მოხრიხარ
ოთხად წელში არვის:
პოეზიის მომხრე ხარ,
ბრძოლის დაუფარავის.

ვერ ვნახე მოგებული
ჩანგი ლიქნით, ფერებით,
მიკიბულ-მოკიბული
და შემკრთალი უღერებით.

ნავო ჩემო, მოღლილხარ,
გრიგალი გინანავებს,
იმავე ძველი ბოღმით ხარ
უკანასკნელ სანავეს.

1977.

სამშობლო

ჯიხვი – ქარაფზე ხტის,
ბუზს არ აიფრენთ, ქედებო!
კავკასით პონტის პირს
ძირს ჩაკიდულხართ, ხედებო!
მე რომ სიკვდილი მჭირს,
ხომ შენგნით, ჩემო ედემო?!
ამბავს წაულებთ ვის,
თქვენ, ფრინველებო ღვთის –
წითელ –
ფეხება მტრედებო?!

1976.

* * *

ჩემო პანია, საბრალო დედავ,
ბედკრულს, გატანჯულს, გაძარცვულს გხედავ,
რა ენამ გითხრას:
– ხვედრს ნუ ემდური! –
განშორებისთვის კაცთათვის დათქმულს
ვუახლოვდებით დაწყევლილ სადგურს,
სადაც დავრჩები
მე, უკეთური...

შენ აიძრები გაფოთლილ ქარში,
ქვეყნის ნაპირზე ბებერი ბავშვი
დავრჩება – შენი
გამმწარებელი...
ოჰ, ღმერთო, ღმერთო! მე თვალებს ვხუჭავ! –
იელებს შენი ჭაღარის ბლუჯა,
ინივლებს შენი
მატარებელი.

1976.

* * *

აფხაზეთზე ამ კაცს თვალი უჭირავს –
ეს კაცია, ალბათ, თურქის თემის...
და მე ვყვირი: – ჩემს სისხლს დალევს უწინამც!
და მე ვმღერი:

– აფხაზეთი ჩემი!

როსმე „არგო“, (სხვა ხომალდი გუშინაც!)
მოაპობდა ზვირთებს ნიჩბის ცემით...
და მე ვყვირი მკვდარსა მნახვენ უწინამც!
და მე ვმღერი:

– აფხაზეთი ჩემი!

ზღვაო პონტის! რიფებს მალავ უჩინარს –
არაერთის ზედ მიემსხვრა გემი...
და მე ვყვირი: – ოხ, უწინამც! უწინამც!
და მე ვმღერი:

– აფხაზეთი ჩემი!

1975.

* * *

ხტიან რუები,
 შეჰფენია ყაყაჩო ფერდობს,
 მზე ჰყვირის ცაში...
 ოჰ, ქალბატონო გაზაფხულო,
 ვიყავი ერთ დროს
 მე თქვენი პაჟი!..

თქვენს შესახვედრად
 გამოვზობდი უგონოდ მთვრალი -
 მწვავდით და მკლავდით,
 ჩემს ცხოვრებაში
 თქვენ იყავით პირველი ქალი,
 რომელიც მწამდით!

გადმოდგებოდით
 ნითელ-მწვანე ატლასის დროშით
 ნაზამთრალ მთაზე -
 ოქროს უზანგი
 საკოცნელი პანია ქოშით -
 მახსოვხართ ასე!

აწ თქვენგნით გული,
 თქვენგნით გული აღარ ცოცხლდება,
 აღარ ძგერს ლხენით,
 მხოლოდღა ცრემლი
 სინანულის წამწამს მოსწყდება -
 თქვენით...

სხვა სიყრმე გელით,
 ქალბატონო, ღონიერ ხელებს
 სხვა სიყრმე გინვდისთ...
 და თქვენც, თქვენც მარად ახალგაზრდა,
 მოჰყვებით სერებს,
 მოღიხართ სხვისთვის!

1975.

უცხოელ ვიზიტს

პაპუასსავით ჩემს გლახს რომ შესცქერ,
მწყემსს და ქვითხუროს,
შენ, უცხოელო, თუ მართლა ლექსს წერ,
რად არ კითხულობ.

რაგვარად ძგერენ, რაგვარად ჟღერენ
ერის ლექსები?!
აჰა, ბატონო, რაგვარად წერენ
ჩვენი მწყემსები:

- „ხარ ვარდის ბუჩქი, დიაცო,
ბულბული შეგყევს ტიასო,
- სადაც შენ დაიმარხები,
ნეტავ იმ ეკლესიასო!..“

1975.

* * *

გოგოს, თვითონ პატარას,
გზად პატარა მოჰყავს,
შესციცინებს შავთვალას,
ფრთხილად ახებს ლოყას.

კი, ფიქრიას ტოლია!
რაკი შვილად შეგფერს

ეგ პატარა გგონია
ჩახჩუებულ ბებერს

ერის წიგნში გაშლილო
ახლო კაბადონო
გამარჯობა, თვალჭრელო
პატარა ქალბატონო!

ოიდა, ოიალე!
ოიდა, ოიალე!
დახუნძულო ხეო!
მდედრო მსხმოიარე!

შენ ქართლოსის ჭიგოს
შეენებე ცოლად -
კურთხეული იყოს
შენი ქმართან ნოლა!

შენ ხარ მწვანე ბალახი,
პირველ რილო-ჭრილოს
შემოგცქერის ქალაქი -
დაგინახოს, ცდილობს.

ქალია თუ ვაჟია, -
საქართველო ყვავილობს,
„რა დროს მაგის ბავშვია!“
ვინც ეს გულში გაივლოს...

ოიდა, ოიალე და
ოიდა, ოიალე -
ნერგო ნაყოფიერო,
მდედრო მსხმოიარე!

1975.

* * *

მე ხელთ მიპყრია ნაზად
ულალატო და ნრფელი
შენი დაღლილი მაჯა,
შენი დაღლილი ხელი.

და გეკითხები, ზვირთი
როს ჩავლილია ბრძოლის:
„მძიმდა თუ არა ტვირთი
შენთვის პოეტის ცოლის?!“

და კიდევ გკითხავ: „ფასად
განათებათა მცირთა
ღირდა თუ არა განცდა
ეგეოდენტა ჭირთა?!“

შენ ხელთ გიპყრია ნაზად
შენი დღეების მკვლელი
ჩემი დაღლილი მაჯა,
ჩემი დაღლილი ხელი,

და მიპასუხებ წყენით:
„რაილა გინდა მეტი!
ხომ ვვლიდით ჭირთა თმენით,
ხომ არ გავხარეთ ქედი?!

ჩვრად არ გავეგეთ არვის,
დიდთა დიდს მივყეთ მცნებას.
ხომ გიხერხებდი კალმის
სისხლის გუბეში ნებას?!

ვით ბრონეულის ნაპობს
ძვირფასი შუქი სწვეთავს,
ესრეთ ცხოვრების ნაყოფს
ჩვენსას მხედველი ხედავს.

და არ არცხვენენ სახელს
მშვენიერნი და ზრდილნი
ჩვენი ღარიბი სახლის
უუმდიდრესნი შვილნი...

მე ხელთ მიპყრია ნაზად
ულალატო და წრფელი
შენი დაღლილი მაჯა,
შენი დაღლილი ხელი,

გმადლობ – მრწამსით და რწმენით
რაც ვიტანჯე და გტანჯე!
გმადლობ – დღეები ჩვენი,
როგორც მენადა, ვხარჯე!

ეს დღეც თენდება თეთრად –
განმქარვებელი ჭირთა –
და ვიმეორებთ ერთად:
– ღირდა, ღირდა და ღირდა!

1974.

* * *

მოვიმღერდი როსმე ველად,
მოვდიოდი შენსკენ ძველად
პირის შენის სანახავად,
ხორცთა შენთა საკოცნელად.

და შენც და შენც წამებს თვლიდი,
სადაც ვიყავ, ფრინდი ფრინდი,
ჩემსკენ გამოიჩქაროდი,
ვარდისფერ გზით ჩემსკენ ვლიდი.

ან ცხვირს საკერავში ჩარგავ,
ან სათვალეს ხშირად კარგავ,
ან მესამე თაობისთვის
ათას ჭინჭაბუნჭას ჰქარგავ.

ან გზა მოფენილა ჭკეპით,
წლებით მოცელილი ვჭკნებით,
ცის სავსეა დარბაზები,
ელენ, მონყენილი ხმებით!

1974.

ბევრს არ დაგპირდები

ლხინში – ავხირდები,
ჩრდილში გაგიდგები,
ჩემთვის ვაჩხაკუნებ
ფანდურს, სანატრელო;
ჭირში – დაგიტკებები,
ბევრს არ დაგპირდები:
ფეხზე დაგიდგები,
ჩემო საქართველო!

1973.

ჭეშმარიტება

ათასჯერ მიგასიკვდილებენ,
ათასჯერ სამართებლით დაგკლავენ,
საჯაროდ მიგასაფლავებენ,
საჩქაროდ ფაციფუცით დაგფლავენ.
მწუხარედ გოროხებს დასწვდებიან,
წესი არისო და, მიგაყრიან,
ალაპშიც სუფრისთავს დასხდებიან
და ცრემლებს, ყალბ ცრემლებს, მოგაღვრიან.
მაგრამ რის მკვდარი და რა ცხედარი, –
სამარხი ყლორტებით გაგიჭრია, –
გაიხედავენ და, რას ხედავენ:
ამაყად ფრთები გაგიშლია!
საკუთარ საფლავზე ამოსულხარ
და, რაკი საფლავში წოლილხარ,
უკორძო, უხინჯო გამოსულხარ,
კორდის ჭადარივით სწორი ხარ!
ზეცისკენ შუბივით წამახული,
მწარე ხარ, მაგრამ მოწყალეც ხარ,
ათასჯერ ღალატით დამარხული,
ათას მეერთედ ცოცხალი ხარ!
შენი ნაფოტისგან გამოთლილი
ეს ჩანგიც ჯიუტად ენამწარობს...
მურმან ლებანიძე მოგიკვდეს!
მურმან ლებანიძე გენაცვალოს!

1973.

* * *

მარეკები შლიდნენ ბანაკს,
ქარი ჩამიჩუმით ჰქროდა,
ვინეჟ, რომელიღაც ბალახს
უცბად –
ქალის სუნი ჰქონდა.

თითქოს ურო დამკრეს თავში,
თითქოს პაპაჩემი ცხონდა –
ათას სურნელოვან შვავში
ბალახს –
ქალის სუნი ჰქონდა.

სუნი ჰქონდა არა დალის,
ლალის, – ცისფრის ანუ თეთრის, –
სუნი – საზოგადოდ ქალის,
სუნი –
საზოგადოდ მდედრის...

ღმერთო! ღმერთო! მე სულ ველი
სიკვდილს – შენ მაცოცხლო ვინძლო,
სანამ ვიცნო ეგ სურნელი,
სანამ

ეგ სურნელი ვიგრძნო!

1973.

* * *

სადაც ჩაღრმავდები, ყველგან ზოდებია,
ყველგან ხელთუქმნელი ბაჯჯაღლო ზოდები,
მაგრამ რაღა დროის! – სიბერის კორდებია,
სიკვდილის კორდებია,
მივალ და გშორდები.

მინდოდა ქართველი თორმეტი მილიონი,
სულ ათი-თორმეტი მინდოდა მენახა –
არაგვის სიარაგვე, რიონის სირიონე
და მინა გაშლილი
მსოფლიო ვენახად...

სადაც ჩაღრმავდები, ყველგან საშველია,
რა ხსნა, რა გზებია, რამდენი საშველი!
მაგრამ რაღა დროის! ორი დღე დამრჩენია,
ტირილით მივიმღერი,
მივდივარ თვალსველი.

1972.

ბაბითხე და გეტყვი

მკითხე და გეტყვი: რისი თამარი! –
 ქართლის ცხოვრების რა ვიცი მეტი!
 დავითი იყო ჩვენთვის მთავარი!
 დავითი იყო... პირველი სვეტი!

მკითხე და გეტყვი, რის ვაჟა, მენდე,
 ერის მეობით და თვისი „მეთი“,
 არც თვითონ შოთა! – დავითის შემდეგ
 ილია იყო.. მეორე სვეტი!

გაზნეჭილია
 ქარში ალვის ხე,
 ანეწილია
 სამშობლოს ხედი...
 ღმერთო, გვადირსე,
 ღმერთო, გვადირსე,
 ღმერთო, გვადირსე,
 მესამე სვეტი!

1972.

* * *

სასახლეებში, ბაღში, სკვერებში
 როცა ამდენი დროშა ფრიალებს,
 ამ სიბერეში, ამ სიბერეში
 შენ რა ჯანდაბა განაღვლიანებს?!

შენ რას გიშლიან ეს ესკორტები,
 ეს ტაშფანდურა ესტაკადები,
 ეს სინდისისგან, ეს ნამუსისგან
 მთლად გარეცხილი დღეს პლაკატები?!

იმას, ბატონო,
 რომ ზენიტზეა
 მზე, – ვინ უწყს
 როდის ჩაესვენება...
 სანამ ეს დღეა,
 სანამ ეს მზეა,
 შენს საქართველოს
 არ ეშველება!!!

* * *

დროით უფსკრულებს გადავყურებ
 სამშვიდობოს მდგომარი –
 ვხედავ: მოკლე გაზაფხულებს
 სცვლიან – შემოდგომანი...
 სიკვდილის გზა ცისფერია,
 კვდები ხმალმოღერებით –
 იმპერიებს იგერიებ

სისხლის წამოხველებით...
 ფეხზე დგახარ, გცემს ზურგ-ქარი...
 მაშ, წინ! წინ და ზემოთ!
 დათვი მჭლე და შენ მსუქანი!
 დათვი მჭლე და შენ მსუქანი,
 საქართველოვ ჩემო!!!

1972.

* * *

უფლისციხესთან სისხლისფერი ყაყაჩოს წვეთი
არა დაღვრილის, – დასაღვრელის, ალბათ, მაცნეა.
არავითარი სხვა სამშობლო ამაზე მეტი
არ გამაჩნია!

მე დავინახე სვეტიცხოვლის თორმეტი სვეტი,
თოთხმეტი ციხე ზეგნებიდან ლაჟვარდს გასჩრია,
არავითარი სხვა სამშობლო ამაზე მეტი
არ გამაჩნია!

მშვენიერია ორ-ზღვას-შუა კავკასის ხედი
და კითხვა: „ვინ-ვის!“
ბებერ გულში ლახვრად მაჩნია...
არავითარი სხვა სამშობლო ამაზე მეტი,
არავითარი სხვა გზა, სხვა ხსნა
არ გამაჩნია!

1971.

ყველას! ყველას! ყველას!

ქართლ-კახეთად, იმერეთად,
 სამეგრელოდ, გურიად,
 ვისაც ჩვენი გაყოფა
 და გათიშვა სწყურია,
 ან ჭკვიანი მტერი არის,
 ან უგნური მოყვარე,
 ამიტომაც, სადაც წავნვდი,
 ერთიანად მოვთხარე...

მიყვარს – მტკვარი,
 მიყვარს – ქსანი,
 ტეხურა და ენგური!
 მიყვარს – „ლილე“,
 მიყვარს – „ლალე“,
 მიყვარს „ჩელა“
 მეგრული...

მაგრამ ყველას მირჩევნია
 ერთ დიდ მუშტად შეკრული,
 რა თქმა უნდა, საქართველო –
 ვიყოთ მისი ერთგული!
 დღეგრძელ იყოს, საქართველოვ,
 შენი მზე და შენი ცა
 მრავალ ათას, მრავალ ათას,
 მრავალ ათას წელიწადს!

1971.

მეშინია

ეს სოფლები: ეს ლიქოკი, ეს არხოტი,
ცარიელა ეს პარტახი საიგავო,
მეშინია, ეს სამოთხე, ეს წალკოტი
სხვა არავინ მოვიდეს და დაიკავოს!

შემერს სათიბზე არ დავობენ მეზობლები,
ძალღი არ ჰყეფს, ძალღი არ ჰყეფს ბარისახოს!
ვაითუ, ვინმეს მოეწონოს ეს სოფლები,
ვაითუ, ვინმე მოვიდეს და დაესახლოს!

ეს სხიერი, ეს ლიქოკი, ეს არხოტი
არ ჩააქრო, არ ჩააქრო! – გაფიცებდი
არ წააგო, არ წააგო ეს წალკოტი! –
დამიხსომე, ასი წლის წინ გეძახოდი,
დამიხსომე, განჯღრევდი და გაღვიძებდი!

1971.

* * *

ამ ცხოვრებამ – ბრძნულმან, რთულმან,
ამ ბრძოლებმა – კრულმან, მტრულმან,
ამ შეკითხვამ – გველაძუამ,
იმ პასუხმა – იქედნურმან,
ძმობამ, ყმობამ, მტრობამ, შურმან,
აქეთურმან, იქეთურმან –
ხომ არ – გამოგჭამა გული,
ხომ არ – დაიღალე, მურმან?!

– ორად ორი ნაბიჯია
სიკვდილამდე დაღალვიდან...
ღმერთო, დაძინება მინდა,
გალვიძება აღარ მინდა!

1971.

* * *

დაცხრი გულო! – ხმალჩაგებით
გასწი, იარ, უკელ ძგერას!
დაცხრი, გულო! – წასალები
წაულია
უკვე ძერას!

ყოველ ხისძირს ყაჩაღები!
ყოველ შტოდან გველი გვზვერავს!
დაცხრი, გულო! – წასალები
წაულია
უკვე ძერას!

არც მეტი და არც ნაკლები –
მზე ჩასვლის წინ ღრუბლებს ფერავს...
დაცხრი, გულო! – წასალები
წაულია
უკვე ძერას!

1971.

ეზ □ ბრავებრი

ეზ - არაფერი,
 ჩემო ქრისტო, ჩემო ლალაკო,
 ჩემო ფირანა,
 წინაპარო და ამხანაგო,
 ჩემო სილოვან,
 უნინ გლესო, მერმე დალაქო,
 ეზ - არაფერი,
 რომ გლესკაცმა გაიქალაქოს,
 ჭიბრევის გზაზე
 რომ ტალახი ისევ ტალახობს,
 რომ ძველ ვენახში,
 ჩვენს ვენახში ხარი ბალახობს!

ეზ - არაფერი,
 ჩემო სეფე და ჩემო რაჟდენ,
 ჩემო ღინტორა,
 რომ ფარახეთს მიწები გაცდენ,

ჩემო ოქრუა,
რომ კვაშხიეთს ბუხრები დაშტენ,
რომ უანგიანი
ბოქლომები ჭიშკარზე გაჩდენ,
ეგ - არაფერი,
რომ ჩვენები, ძველები განყდენ,
ხოლო ახლები
მასჩხოებელა დახლებში დასხდენ!..

თქვენ ეს მითხარით,
ეს მითხარით, რა ვართ, რა რჯული?!
გარდა იმისა,
რომ დავკარგეთ თავად წარსული,
რომ გახმა ვაზი,
ჩაქრა კერა მრავალტანჯული,
რომ მუცლის ქონით
დღეს სამოსი გვაქვს აჩაჩული,
რომ უბე-ჯიბე
ხელის ჭუჭყით გვაქვს დაჯარჯული,
პატიოსნებაც ხომ არ წახდა ჩვენი, რაჭული?!

მონყენილ სოფლებს -
აღარც სტვირი, აღარც ფანდური!
გაპარტახება,
მყუდროება მზარავს საყდრული!
არც ვაზის მყნობა,
არც შენება მალალმხატვრული!
არც ქალის წკვრელა,
არც ყიუინა ახალგაზრდული!
აღარც „ქვედრულა“
და ფერხული მრავალსართული!
აღარც მომსვლელი
და, პასუხად, აღარც დამხვდური!

ქალამნის ჭვინტში
აბრეშუმის ბალახით - თომით,

საქართველოსთვის
 საიმედო (ფუძეზე დგომით!!!)
 მტერზე მიმსვლელი
 გულუბრყვილო დევკაცის წყრომით,
 სხვა დროს გართული
 თავის ვაზით, ხორბლით და ღომით,
 აქ ნაშენობდა,
 აქ, მრავლობდა, განთქმული შრომით,
 ჩვენი ბრძენი და
 თავმდაბალი ქართული ტომი!..

კი, კი, ბატონო,
 რომ არ ადგა მთის კაცს საშველი,
 კი გადიოდა
 საშოვარზე ძველი რაჭველი,
 მაგრამ ნაშოვრის
 კურთხეული მისი მარჯვენით
 კვლავ რაჭაში და
 კვლავ რაჭისთვის იყო მხარჯველი
 და, სადაც იყო,
 თან დასდევდა ფიქრი მტანჯველი
 და თვალწინ ედგა
 უტკბილესი მინის ნაჭერი:

„პორტ-არტურში ვართაო,
 ცხენის ხორცსა ვჭამთაო
 ქვე, გზის ფული თუ ვიშოვნეთ,
 მალე ჩამოვალთაო“.

ან:
 „დამისხი, დამალევიე,
 ჭკუას მოვალ, გონებასაო –
 რაჭას ნასვლა მირჩევნია
 მილიონის ქონებასაო!..“

1971.

* * *

ვარ აჩეხილი ნახევრად ვაზი
და შენ ხარ ჩემი ჭიგო!
და ყავარჯენიც შენ, შენ ხარ გზაში –
ტვირთს დაჭრილისას იყოფ...

შენა ხარ ჩემი ხმალი და თოფი,
გენდობი, როგორც სტრიქონს...
მაქვს თავი ქუდში შენდამი ნდობით,
სადაც არ უნდა ვიყო.

1970.

მკვდრები

არდავინყების
მწვანე კონცხთან ამოდის გემი
ზღვის უფსკრულიდან;
მისცემიან გემბანზე ფიქრებს.
მიცვალებულებს –
ალამაზებს ოცნება ჩემი –
ბევრი მათგანი ქუდს მიხდის და
ცხვირსახოცს მიქნევს.

აკაკი მოკვდა,
მოკვდა ვაჟაც, ილია მოჰკლეს,

გალაკტიონმა,

ვიცი, თვითონ გაშალა ფრთები.

ფასშეუვალი

და მწუხარე ხომალდი მოჰქრის,

მოჰქრის ხომალდი

დახუნძლული ძვირფასი მკვდრებით.

ხოლო ცოცხლები

ჩემს ნაპირზე, ჩემს გვერდით დგანან,

მგონია, ვდგევარ

ერთდროულად ძმებთან და მტრებთან;

ხელს ვართმევ ცოცხლებს,

მაგრამ მკვდრები სხვა ნისლში ჩანან

და კარგად ვიცი,

რომ საერთო მეტი მაქვს მკვდრებთან.

„წინ! ასწი თასი!

მოაშურე ჩვენს მსუბუქ ხომალდს!“ –

ვილაც, დიდი და

იდუმალი, გაფრენას მირჩევს...

და გალურსული

ჩემი სული სიფრთხილით ზომავს

გასაფრენ მანძილს

და საფრენად უძნელეს სივრცეს.

ხომ არ დაბერდა,

ხომ არ გაცვდა ჭურჭელი ხორცის,

რომ, რაც დრო გადის,

უხორცობის წყურვილით ვთვრები,

რომ მპირდებიან

სამუდამო ტაძარში ქორწილს

და მეძახიან

მეძახიან მე ჩემი მკვდრები?!

რა არის წლები,

ეპოქები რა არის ხშირად, –

მონამებრივი,
 ხორციელი ცხოვრების შემდეგ
 უსაზღვრობის
 თუ იქცევი წილად და შვილად
 და ნაიშლება
 შენთვის ზღვარი
 და სიტყვა „შესდექ!“

ჩუ, ეს ვინ გალობს?
 მწვანე კონცხთან ფრიალებს აფრა –
 კრთის და ფრთხილებს
 უთეთრესი ყვავილი ხსოვნის.
 იქ არა ერთის
 შარავანდი ბრიალებს ლამპრად,
 იქ რუსთველია
 წინმდგომად და მეუფედ ყოვლის.

იქ, წინაპრებთან,
 ჩემი დროის შვილებიც ჩანან, –
 მკერდბუმბერაზი
 ეს ვინ დადგა მამების გვერდით?
 ოჰ, რა ღირსებით,
 რა ლომური ჭაღარით დგანან
 და რა ურყევნი
 ერთი მრწამსით და ერთი ხვედრით!

„ – მაშ, ასწი თასი!
 მოაშურე ჩემს მსუბუქ ხომალდს!“ –
 ვილაც, დიდი და
 იდუმალი, გაფრენას მირჩევს...
 და გალურსული
 ჩემი სული სიფრთხილით ზომავს
 გასაფრენ მანძილს
 და საფრენად უძნელეს სივრცეს.

1970.

ფეგონებანი

ლამაზი არ არის:

ასი წლის მოხუცი კუნტრუშით გარბოდეს!
ოცი წლის ლიფსიტა ბრძნულად დადიოდეს!
ტყეების პატრონი ნაფოტებს ხარბობდეს!
უნიფხოს სუნამოს

სურნელი ასდიოდეს!

ლამაზი არ არის:

მეკობრე – მინისტრის ლოყაში ჯდებოდეს,
გაძარცულ კლიენტებს ღიმილით უკვდებოდეს!
ყასაბი – დნებოდეს, დღითიდღე ხმებოდეს!
ღმერთო, დაგვიფარე და,

პოეტი სუქდებოდეს!

ლამაზი არ არის:

ღონ ჟუანი საყდრისთვის სცდებოდეს!
ეპისკოპოსი ბარდელში დადიოდეს!
ბარემ ესეც ითქვას, ესეთიც ხდებოდეს, –
სამშობლო ხელთ ეპყრას

ბერიკაცს ათიოდეს!

1970.

ოფისში დიდი ყოფილა საქართველო

ფიქრისას

ჩემო თვალნათელო, ჩემო სანატრელო,
ოდესმე დიდი ყოფილა საქართველო.

ყოფილა დავით-მეფე – აღმაშენებელი,
ყოფილან ოპიზრები – გასამტერებელი;

ყოფილა მოდრეკილი, ყოფილა ცურტაველი,
რასაც მოჰყოლია შოთა რუსთაველი...

ჩემო მიმინო და ჩემო ფრთანათელო,
ოდესმე დიდი ყოფილა საქართველო.

ყოფილა ნიკოფსით – დარუბანდამდე
გაჭენებული და გამოჭენებული;
რტოებგაშლილი და გამოჩინებული,
ყოფილა ორ-ზღვას-შუა აღმოცენებული.

ფიე, საქართველოს ჰყოლია ვასლები!
თამარს უკრეფია სულ ოქროს ვაშლები!

ტევრი გვინაღდია, ისე გვიზარდია,
რომ გავემზადებულვართ ახალ ბიზანტიად.

მაგრამ უცაბედად მატლი არეულა,
ბორბალი უკუღმა დატრიალებულა.

ჩვენთვის მონღოლია პირველი სასჯელი,
მონღოლს მოჰყოლია თურქი და სპარსელი.

ტურფა საქართველო ყორნებს ნაუღიათ,
სპარსეთს და ოსმალეთს შუაზე გაუყვიათ.

ჩაშლილა ჯაჭვი და თვალი ჩარღვეულა,
იყალთო დაკეტილა, გელათი დანგრეულა.

ოთხ მეფეს სულ სისხლის ცრემლებით უცრემლია,
ოთხივეს საბრალო ლექსები უწერია,

– რა დროს ლექსიაო, მოუკვდა პატრონი! –
ხმლით შემოვარდნილა ერეკლე-ბატონი...
ამას მოჰყოლია:

„ვაჰ, დრონი! ვაჰ, დრონი!“

ჩემო თვალნათელო, ჩემო ფრთანათელო,
ოდესმე დიდი ყოფილა საქართველო!

1969.

* * *

ყვავილების მდინარეს კუბო ცისკენ მიჰქონდა:
ინვა გალაკტიონი და თავისას ფიქრობდა.

ალმართ-ალმართ მდინარე მთანმინდისკენ დიოდა:
ინვა გალაკტიონი – მოხუცს ბეჭი სტკიოდა.

ალბათ, შუბლიც სტკიოდა – მაინც, მეფურ იერით,
ინვა მკერდბუმბერაზი, ხნიერი და ძლიერი.

რალაც პათეტიკური მას სიკვდილშიც დაჰკრავდა:
ინვა, როგორც ყოველთვის, ახლაც არვის არ ჰგავდა.

ეს სიკვდილი, ეს დაფნა, ეს მზე ოქროცურვილი –
იყო ეს ყველაფერი მხოლოდ მისი სურვილით.

ღირიჟორი თვით იყო! რაც მოხდა და გათავდა
და რაც ახლა ხდებოდა – მისი უინი მართავდა...

ყვავილების მდინარეს რკინის კუბო მიჰქონდა,
ინვა გალაკტიონი, სივრცეებზე ფიქრობდა.

უცბად, შავმოვლებული შეჩოჩქოლდნენ დროშები
უცბად, მამადავითის ბჭესთან შედგნენ მგოსნები:

კონსტანტინე-ბატონთან ლეონიძეც იქ იდგა,
„რა ჰქნა? – უმისამართოდ ჩიქოვანმა იკითხა.

„რა ჰქნა?“ – ახლა ირაკლიმ თქვა და თავი დახარა.
იმ დღეს ავად მენიშნა ეს ამდენი ჭალარა...

სდუმდნენ დიდოსტატები,
იდგნენ მხრების კანკალით,
დასწყებოდა მთანმინდას საუკუნის სამკალი.

წინ გვიძლოდა სიკვდილით სივრცეების მხილველი,
მიდიოდა ამაყი და სიკვდილშიც პირველი.

იყო ცხრაას ორმოცდაცხრამეტი წლის ტალახი,
იყო ფრთხილად გაჭრილი წმინდა ძვალთშესალავი.

ალაგ სამარხ მიწაში იყო მარტის ამინდით
ტალახში აზელილი უძველესი კრამიტი.

რალაც პათეტიკური მას სიკვდილშიც დაჰკრავდა:
ინვა, როგორც ყოველთვის, ახლაც არვის არ ჰგავდა.

ერთი-ორი სხვაც ჰყავდა,
ვინც მშობლისთვის იბრძოდა,
მაგრამ ვისაც მარხავდა, საქართველომ იცოდა!

1968.

* * *

ვერაფერი გამიგია,
ცხოვრებაში რა ხდება:
ყველაფერი წამიგია –
მეგობრები მაკლდება.

ბრაუნინგით არ მომკვდარან
ვინც დღეს ჩემთვის მკვდარია,
არც ფანჯრიდან გადმომხტარან –
მშვენიერად არიან.

უფრო ხშირად ახლა შინ ვარ,
წვიმას ვნატრობ შხაპუნას:
შევსვით! ყველა თავის წვრილმან
საზრუნავში ჩაფლულა!

ყველა თავის ნავში სხდება,
ყველამ სადღაც გაცურა,
ყველა კვდება, გული მწყდება –
წასულან და წასულან!

და დღეები გადის ზანტად,
ღამეები გროვდება,
ვიღაც უსაშველო ლანდით
მწუხრში მიახლოვდება...

მინდა მთაზე ავირბინო,
ზღვის მიქცევა ვიხილო,
თავში ხელი წავიშინო –
რაც მომხვდება, ვიყვირო.

1968.

* * *

ამ სახლში ბევრი
გაფუყული მედროვე ცხოვრობს
და, ხალხს თუ ვკითხავთ,
წამწარდება ცხოვრება ბოლოს.

მაგრამ არსებობს,
წლებს მიათრევს ორიოდ კაცი,
რომლის სახელი
იფრინველებს ანი და ანი...

და თუ ის იქნა
საქართველო, რომელსაც ვგონებ.
რომლისთვის ვიბრძვი.
ანუ რომელს ვეტრფი და ვმონებ,

აქ მოვა მსჯავრით,
გადმოლაზავს ხალხის ზღვა ნაპირს,
მემორიალურს
მათ სახსოვრად
გამოფენს დაფებს.

1968.

* * *

ჩემს გალაკტიონს მე ვკითხე ერთხელ
(ის მთვრალი იყო, როგორც ყოველთვის):
– ბატონო გალაკტიონ, თქვენ პირველი ხართ,
დაგვისახელეთ მეორე პოეტი...
უცებ, წინკებით გაევისო თვალი –
თვისი სიმაღლით ის იყო მთვრალი –
– საქართველოში?! – ჩაიქირქილა
და ლომურ წვერზე
 მოისვა ბრწყყალი...

1968.

მახსოვს!

სოსო იორამიშვილის ხსოვნას

ეს ერთი სიტყვა უნდა ავიხირო –
მახსოვს!

შენი დათვისისხლა შავი ღვინო –
მახსოვს!

შენგან მოძღვნილი არყის ბოცო
მახსოვს!

შენგან მონვდილი ტახის ხორცი –
მახსოვს!

იორ-მულანლოში სადილობა –
მახსოვს!

შენ რომ შემაყვარე ნადირობა -
მახსოვს!

შენ რომ ლელიანის კატა მაპოვნინე -
მახსოვს!

შენ არ ესროლე და მე მასროლინე -
მახსოვს!

მე რომ პირველი ხოხბით გავიხარე -
მახსოვს!

შენ რომ დაიხარე და აიყვანე -
მახსოვს!

ივრის ჭალები აქოჩრილი -
მახსოვს!

ეგ მხრები ბრეზენტით გაკოჭილი -
მახსოვს!

მზისგან დამწვარი გორმახები -
მახსოვს!

შენი თათარი ყონალები
მახსოვს!

ბოლო ხანებში გველლებოდი -
მახსოვს!

მახსოვს, ხელიდან გვეცლებოდი -
მახსოვს!

„მეც ვბერდები და ძაღლიც ბერდებაო“,
მახსოვს!

„ჰაუ, რანაირად თენდებაო!“ -
მახსოვს!

ლექსებს მიკითხავდი კოცონთან -
მახსოვს!

ეს ოთხი სტრიქონი მოგწონდა -
მახსოვს!

„გახედე: კახეთი! დამსკდარა ატამი,
რა მალე მოვიდა აგვისტოს პირველი,
გარეულ ჭალებში ტრიალებს ქათამი,
ჭაობში იხვია მონყენით მზირველი“...

1968.

* * *

ხარ დიდი

სანდრო ბოტიჩელის მადონა ნორჩი,
ამიმხედრდება

შენი ერთი დანახვით სისხლი

და მერე, როცა

გვერდზე წახრილს ბეჭებში გკოცნი,
ხოლო შენ მორცხვად

შენს ათასგვარ ლილაკებს იხსნი,
განუზომელი ნეტარების

მოლოდინით მევსება ხორცი...

ო, უტკბილესო!

ტიტანური შთამბერე ძალი!

მინდა, დაგწვდე და

აგიტაცო უეცრად ცაში,

მინდა, ვიყვირო:

„საოცრება! შეხედეთ! ქალი!“ –

მაგრამ ბნელდება

და ხორხოცით, გრგვინვით და ტაშით

მიექანება უფსკრულებში

დამსხვრეული ხორცი და ძვალი.

1968.

მგლები

გარშემორტყმული მე ვარ სულ მგლებით,
 მგელი ვარ, შენ ხარ ჩემი ძუ მგელი;
 აყმუვლებული მე ვარ ჯუნგლებით,
 ჩემი ყმუილით ჯუნგლებს ვუმღერი.

მგლური ცხოვრების გაგემე გემო –
 ხომ, ხომ გაგემე სამშობლოს ტყეში?! –
 ლეკვებს მიზრდი და, ძვირფასო ჩემო,
 მომირთმევია ბუნაგში ლეში...

მინდა, ალერსით ჩაგყმუვლო ყურში, –
 გასაოცარი მე ვიცი ხმები, –
 აჰა, შენ ლაში, აჰა, შენ დრუნჩი,
 შევახოთ ერთურთს გამხმარი ყბები!

სამშობლოს ტყეში მიცდიან მგლები, –
 ოცი წელია, მე ვარ სულ მგლებში, –
 შევახოთ ერთურთს ალერსით ყბები და
 ქეჩოაყრილი ნავალ ჯუნგლებში...

ნავალ და ვნახავ, ნამხდარ ვენებით,
 დამწყდარ ნერვებით მოიგებს რასაც
 კაცობრიობა – ამ გახელების,
 ამ გამგელების
 ფასად!

1968.

ქართველები

ხმამ, მსუყემ და ჯანიერმა,
მატარებელი შეჰყარა:
— „ქართველები?!
რაც ხალხი ვართ,
იცის, ძამა,
ქვეყანამ!

ორი კაცი სუფრას შეიქმს,
სამი კაცი —
ქეიფს!

ოთხი კაცი — არიფიონს,
ხუთი —
პარტიას!
ექვსი კაცი — მანიფესტს ვწერთ,
შვიდი —
ქარტიას!..

ჩვენ რომ — ასი კაცი ვიყოთ,
ჩვენ რომ —
ერთი პირი გვექონდეს,
არ გვცალოდეს საქილიკოდ,
თან —
ბილიკიც ბილიკობდეს,

მაშინ, მაშინ...
— „რაი, მაშინ?!“
— „რა და... ეუჰ, გიჟია!
მომაშორეთ აი ბავშვი,
ჩვენია თუ ალიფაშის,
თუ კაცი ხარ, ვისია?!
ჩემ თავს ველაპარაკები,
ჩემთვის ვყვები, ბიძია!“

* * *

როდესაც გრიალებს „ბრავო!“
ხეც ლამის სირცხვილით გახმეს;
მურმანი ჰკითხულობს: „რაო,
რაშია, თუ ძმა ხარ, საქმე?“

ხოლო როდესაც „ბრავოს“
„ბისიც“ და „ვაშაც“ უერთდება,
მურმანი იკმარებს „აუჰ!“-ს
და ბოლმით თმები უთეთრდება...

როდემდის, ცოლო და შვილო?!
როდემდის, დაო და ძმაო?!
როდემდის, სამშობლოვ ტკბილო და
შენც, ჩემო ბებერო თავო?!

1965.

ვოი!

- ვოი!

რა უფერულია სიკვდილი ლოგინში!
ვოი, რა საშინელია სიკვდილი ლოგინში!
ისიც ლოგინში მომკვდარა, ოღონდ -
ყინულის ლოგინში!..

ვოი, კალა-უშგული შეკრებილა -
ყანას და სათიბს მომცდარა.
მთელი სვანეთი შეკრებილა,
მთლად საქართველო შეკრებილა,
შხარასთან ღრუბელივით მომდგარა...
ვოი, შხარა სისხლით შეღებილა -
კოხტა თიკანაძე მომკვდარა...

ბექნუ ხერგიანს
და ბექნუს ლომებს

გურამის ნეშტი
უპყრიათ ხელში,
ბექნუ ხერგიანს
და ბექნუს ლომებს
მშრალი ბურთები
გასჩრიათ ყელში.

გურამ თიკანაძეს შხარა აუღია,
რაც მოხდა, დაშვებისას მომხდარა:
საკუთარ ხელით პალო დაუგია,
საკუთარ პალოზე მომწყდარა...

ცოცხლისგან საყვედური აუგია –
თოკი ერთადერთი ჩაუბია –
თავი სიმამაცით წაუგია,
ვოი-ვო, სიმამაცით მომკვდარა!..

ბექნუ ხერგიანს
და ბექნუს ლომებს
გურამის ნეშტი
უპყრიათ ხელში,
ბექნუ ხერგიანს
და ბექნუს ლომებს
მშრალი ბურთები
გასჩრიათ ყელში...

„ხოჩა საკაცე გამითაღეთ,
დავანყო ხორცი და ძვალი,
სიკვდილი სიცოცხლედ ჩამითვალეთ,
აღმართში კვნესით ამიტანეთ,
ვაკეზე, მითხარით ზარი!..“

უშგულში გამოვარდა ივდითი ნიჟარაძე,
შეჰკივლა, გაიკანრა ლოყა;
ფოსტლების ფლატუნით უხნესი დიაცი
საკაცეს ფეხდაფეხ მოჰყვა:

„თეთნულდმა რა მოგცა? უშბაზე რა გქონდა?
შხარაზე რა გინდოდა, გმირო?!
ვო, გურამ, რამხელა ბეჭები დაგქონდა –
რამ დაგაპატარავა, შვილო?!“

ასი ცხენოსნით
უშგული გახლავს
და ბეჭზე მიდევს
შენი საკაცე...
შენ დაგეუფლა
ძილი და დაღლა,
შენ დასახარჯი
უკვე დახარჯე...
შენ გაიღვე
ღრუბლებზე მაღლა,
შენ საქართველოს
ღამე გახაზე...
ასი ცხენოსნით
უშგული გახლავს
და მიტივტივებს
შენი საკაცე...

ვოი, რა უფერულია სიკვდილი ლოგინში!
ვოი, რა საშინელია სიკვდილი ლოგინში!
ისიც ლოგინში მომკვდარა, ოღონდ –
ყინულის ლოგინში!..

გურამ თიკანაძეს შხარა აუღია,
რაც მოხდა, დაშვებისას მომხდარა:
თავი სიმამაცით წაუგია,
ვოი-ვო, გურამი მომკვდარა...
ცოცხლისგან საყვედური აუგია,
ჩაუქი მკვდარიც ჩაუქია –
ვარსკვლავი
ვარსკვლავებს მომწყდარა.

1964.

* * *

ყოვლისა მოსაკრეფელის,
 ბრძენთა სთქვეს, დროა მკრეფელი:
 დრო ჰქრის,
 დრო ჰქრის და,
 მეფობენ
 დრონი!
 და არა მეფენი!

ჭაბუკსა მაკედონელსა
 ჰინდუსტანს აუღებელი
 რა დარჩა?!
 დრონი მეფობენ!
 დრონი!
 და არა მეფენი!

„მე ვარო!“ —
 აგრე ჰგონებდა
 ის გენიოსიც ბებერი,
 დრო ჰქრის,
 დრო ჰქრის და,
 მეფობენ
 დრონი!
 და არა მეფენი!

1963

* * *

შენი ოქროს წინილით
და მგლის ლეკვით
სად ხარ ახლა, ელენ!
მელანდება ოხვრით
ფიჭვის ტევრში ქოხი
და ყავარზე კოხი,
ელენ!
მეკუმშება გული:
კარგად ვართო, მწერენ,
ეგ ხელები მწერენ, ელენ!
ჩემს მხნეობას ნატრობ,
იოლ სიტყვას „გმადლობ“
ერთხელ კიდევ გეტყვი,
ელენ!
შენი ოქროს წინილით
და მგლის ლეკვით
შორს ხარ ახლა, ელენ!
მელანდება ოხვრით
ფიჭვის ტევრში ქოხი
და ყავარზე კოხი,
ელენ!

1960.

თამაშის ძაბობა



პირმოლუშული სახითა
 აქ მრავალს ჩაუვლია...
 შენ ამ ქალაქში რა გინდა,
 პატარა თამუნია?!

ქალაქი – დიდი იმედის!
 ქალაქი – ტყუპი მექის!
 დადიან ბრძნული ხველებით
 ვეტერანები ქლექის...

მთაში ირემი აყვირდა –
 ტირილი გაერია...
 შენ ამ ქალაქში რა გინდა,
 პატარა თამუნია?!

სად უცხო ჭალაკი არი
 და სად ვინროში ბლავის
 არაგვი – არაგვიანი,
 იქ უნდა კრეფდე ყვავილს!..

პირმოლუშული სახითა
 აქ მრავალს ჩაუვლია...
 შენ ამ ქალაქში რა გინდა,
 პატარა თამუნია?!

ანანურზეთ სოფელი...
 ნელში გაჩრილი ნალდით
 ტყეს ნავა მამა მშობელი –
 მუშტისტოლაა დარდით...

მთაში ირემი აყვირდა –
 ტირილი გაურია...
 შენ ამ ქალაქში რა გინდა,
 პატარა თამუნია?!

1960.

ტერო

(იუმორისტა)

ო, არა, იმას მე არ გკადრებთ, რაც უნდა ჰყეფოთ.
ძაღლების ხროვას შეგადართო, მოსეულს ალყად. –
მოგესალმებით სიყვარულით თქვენ, ჩემო მტრებო,
და ვთხოვ განგებას, თქვენი თავი მიმყოფოს კარგად!

რერო!

სულ არ მოვალ ამ ქვეყანას, რერო!

თქვენ რომ არ მეგულებოდეთ,

რერო!

მე რომ ვმარცხდები, ვიცი, არის თქვენთვის ცხოვნება!
 მე რომ ვიმარჯვებ, ვიცი, ძილში არ გესვენებათ!
 თქვენ რომ არ იყოთ, რა იქნება ჩემი ცხოვრება.
 თქვენ რომ არ მყავდეთ – რა მეშველება!

რერო!

რალა მინდა ამ ქვეყანას მე, რომ
 თქვენ რომ არ მეგულებოდეთ,
 რერო!

შვიდი სასმური წინ მიდგას და დავცლი ამალამ,
 ჩემი თქვენდამი უალრესი მადლობის ნიშნად!
 თქვენ რომ არ იყოთ, რა მამლერებს ასე ხმამალლა.
 თქვენ რომ ამ მყავდეთ,
 ვისთვის ვიყო ნეტავი ფხიზლად!

რერო!

სულ არ ვიმლერ ამ ქვეყანას მე რომ
 თქვენ რომ ამ მეგულებოდეთ,
 რერო!

– „მოეშვი მაგათ!“ ოცხეს პირად მირჩია ბრძენმა,
 მე – კი, ბატონო! მაგრამ გული რომ არა ცხრება?!
 და მესმის, მესმის...
 ქვაბის ნარეცხით დასუქებულ ძაღლების ყეფა...

რერო!

ხმალს არ ვიქნევ ამ ქვეყანას მე, რომ
 თქვენ რომ არ მეგულებოდეთ,
 რერო!

1960.

ღამოვები

მთელი ზამთარი ხუდადოვის ტყეში მეძინა –
 იქ ცხოვრობს ჩვენი წყეული კასტა.
 მთელი ზამთარი სულ დათოვლილ ტყეში მეძინა –
 ეს გაზაფხული უეცრად გაჩნდა.
 მთელი ზამთარი სულ დათოვლილ ტყეში მეძინა
 მთელ ზამთარს ვლოკე იმედის თათი.
 მთელი ზამთარი იმედებით ვიკვებებოდი
 და ჰა,
 ბუნაგიდან გამოვდივარ დაჭრილი დათვი...

და ჰა, ბუნაგში დარჩა სადღაც ზამთარი დიდი –
 მე ეს აპრილი იქ ვნახე სიზმრად:
 მილიონ შტოზე მილიონი ფაჩუნობს კვირტი,
 და ყველაფერი ჩახჩახებს მზისფრად.
 წითელი დისკო შავ მუხნარებს დასცქერის მალლით,
 მზე და ბალახი მახვევენ თავბრუს...
 ახალი ხორციტ, ახალი ტყავით, ახალი ჯაგრით
 მე ვიმოსები
 და ველი ზაფხულს...

რარიგ მიყვარდა ჩემი ტყე და ჩემი დათვები!
 მაგრამ, როდესაც გაჩეხილ ბეჭით
 მე დავენარცხე და ძირს ვეგდე დღენი და თვენი,
 გარდა ამისა, მე დაჭრილი შევიქმენ ეჭვით,
 მე მაშინ თოფზე უფრო მეტად ეჭვმა დამთოფა,

მას შემდეგ ვწყველი დათვის ძუძუებს –
 შებრუნდა ყველა, შეირცხვინეს ერთხმად დათვობა
 და მწვერვალები
 გადიძუნძულეს...

მხოლოდ იმ ერთმა, მხოლოდ ერთმა, რა ნახა სისხლი,
 მოვიდა, ფრთხილად დამადო ლოყა;
 მხოლოდ იმ ერთმა, მხოლოდ ერთმა, რა ნახა სისხლი
 სისხლიან ბილიკს ჩემამდე მოჰყვა;
 აილო თავი, დათვმა დათვებს გაჰბლავლა რისხვით
 და მერე დიდხანს ტირილით მლოკა...
 მხოლოდ იმ ერთმა, მხოლოდ ერთმა, რა ნახა სისხლი,
 მოვიდა,
 ფრთხილად დამადო ლოყა;

მთელი ზამთარი ხუდადოვის ტყეში მეძინა –
 იქ ცხოვრობს ჩვენი წყეული კასტა.
 მთელი ზამთარი სულ დათოვლილ ტყეში მეძინა –
 ეს გაზაფხული რა უცებ გაჩნდა.
 მთელი ზამთარი სულ დათოვლილ ტყეში მეძინა
 მთელ ზამთარს ვლოკე იმედის თათი.
 მთელი ზამთარი იმედებით ვიკვებებოდი
 და ჰა,
 ბუნაგიდან გამოვდივარ დაჭრილი დათვი...

გაავებული მე მოვამტვრევ ოცი წლის ჭადრებს!
 ვჯეგავ, თუ ჯაგი გადამელობა!
 ვიცი, შევხვდები თავის დროზე უგნურ დათვებს!
 ვიცი, შევხვდები დათვს და მეგობარს!
 წითელი დისკო შავ მუხნარებს დასცქერის მაღლით,
 მზე და ბალახი მახვევენ თავბრუს...
 ახალი ხორციტ, ახალი ტყავით, ახალი ჯაგრით
 მე ვიმოსები
 და ველი ზაფხულს!

1960.

* * *

ბერნუში დაგიხატია, ზაზული,
იქვე დაგისვამს მარტო,
იმ ნუშქვეშ, ფიქრში წასული
დიდუდაშენი კატო...

მიხარის შენი ტრფიალი, რად არა!
ფერში მოთხვრილი თითი!
მაგრამ გაფრთხილებ, არ მემეტები, პატარავ,
ძნელია მხატვრის ტვირთი!

შვილო, გახსოვდეს, ცხოვრების ნიჭი ერთია,
სხვაა – ძებნის და ნატვრის,
ხოლო რჩეულთა, მხოლოდ რჩეულთა ხვედრია
ხვედრი ნამდვილი მხატვრის...

გიჟის ხალათი გერჩიოს, თოლიგე,
მხატვრის და მგოსნის ხალათს!
საყვარელ ქალის ღალატი, თოლიგე,
შვიდფერი მუზის ღალატს!

1960.

წყაროზე ჩაგიყვანსო და არ დაგაღევინებსო,
მწყურვალს დაგტოვებსო,
ჩაჰყვები ვინცო,
ცოლ-შვილს გაგყრის და აგარევინებსო...
შენზე თუ უთქვამთ,
პატარა ციცო!

მე იმ ასაკში არა ვარ ახლა და
არც იმ ჭკუაზე,
ცოლ-შვილს გავეყარო,
მაგრამ შემომიჩნდა სურვილის მახრა და
პატარა ციცო,
უნდა დამეხმარო!

ხოლო ციცუნია ტოლებში დაჰქრის
და შენი ეგ მახრა
ფეხებზე ჰკიდიო,
თუმცკი სავსე მკერდი მიუგავს სახნისს
და ეს შეახსენებს,
რომ უკვე დიდიო...

ისე ჩამოგივლის მიწაგასახეთქი,
ვითომც ქვეყანაზე
მარტო ის ერთია -
როგორც ხეჭეჭური, ქვაზე დასათხლეში,
ციცო ისეთია!..

წყაროზე ჩაგიყვანსო და არ დაგაღევინებსო,
მწყურვალს დაგტოვებსო,
დაჰყვები ვინცო,
ცოლ-შვილს გაგყრის და აგარევინებსო -
შენზე თუ უთქვამთ,
პატარა ციცო!

1960.

* * *

მე თუ გავგიჟდი, გავგიჟდები შენი ყურებით!
 გითვალღიერებ ხორციელ მკლავებს.
ეგ ბაგეები – ალუბლებით შენიღბულები,
 ეგ ალუბლები –
 სიმწიფით მკლავენ...

გჭკრეტ ქვეყნიერი მშვენებით ბურვილს,
 მისმენ – ვედები ღობეს და ყორეს...
ვცემ თაყვანს – ჩემსას შენდამი სურვილს
 აღძრულს –
 შენდამი ძალსა და ღონეს!

1959.

* * *

გაზაფხული შემოსულა, ლენ!
 ბუდეები გაუნყვიათ ჩიტებს...
 მე გიყიდი წითელ-ყვითელ ჩითებს,
 თეთრი ტილო მომიქარგე შენ!
 გაზაფხული შემოსულა, ლენ!

მოგანატრე სათიბი და ტყე,
 სუნი ქუსლით გასრესილი ანწლის,
 შორს გუმბათი ბეთანიის ტაძრის
 და ცისფერი, უბორკილო დღე...
 მოგანატრე სათიბი და ტყე!

ანი აღარ გაგაჩერებ შინ,
 ანი ოჯახს ვერ დაარქმევ „დილეგს“,
 მკვირცხლი ბიჭი შეუყენე ბილიკს –
 მწევარივით გამიხტუნე წინ!
 ანი აღარ გაგაჩერებ შინ!

გაზაფხული შემოსულა, ლენ,
 რია-რია გაუმართავთ ჩიტებს
 მე გიყიდი ყვავილიან ჩითებს,
 თეთრი ტილო მომიქარგე შენ!
 გაზაფხული შემოსულა, ლენ!

1957.

საბრძენი

| | |
|--|----|
| „კოჭლი სტრიქონი ერჩიაო მთელს იმპერიას!“ (ნოდარ ტაბიძე)..... | 3 |
| ვერვევი უშენობას!..... | 9 |
| *** თქვენს ტურფა ქსენონს... .. | 10 |
| *** ყველა თავის ჯამს | 11 |
| *** ამას შენც თუ გაადრებდნენ, ეს ვერ წარმომედგინა.... | 12 |
| *** ყველაფერი აირია | 13 |
| ლამობს ყოველი... .. | 15 |
| რუდაქი იტყვის..... | 16 |
| გათენდა სოფლად..... | 18 |
| *** შვილიშვილს ბაბუის დაარქვეს სახელი | 19 |
| *** ამიღებთ, წამიღებთ, დამფლავთ..... | 20 |
| 76 წლის ჭაბუა ამირეჯიბს | |
| 75 წლის მურმან ლებანიძისაგან | 21 |
| *** ჩვენი დრო გათავდა! | 22 |
| *** მე არც ძველს ვუმღეროდი „ლალეს“ | 24 |
| *** მე დავბერდი და მე დავილაღე..... | 25 |
| *** მინახავს კაცი ცხენზე შემჯდარი | 26 |
| ჩერნეთი..... | 27 |
| *** წიგნი, რომელიც ანათებს..... | 28 |
| *** მე რომ მეგონე, თურმე ის არ ხარ | 29 |
| ზურაბ ჭავჭავაძის სურათზე..... | 30 |
| *** ვერ აიტანა გრიგოლი..... | 31 |
| *** დავითს გადმოჰყავდა ოსეთზე ყივჩაღები..... | 32 |
| *** ბურთი! ბურთი! ბურთი მიწის | 33 |
| *** გასჭირვებია ხალხად ჩვენი ცნობა ევროპას..... | 34 |
| ყვარყვარე – პარლამენტში! | |
| ყვარყვარე – დაბა-სოფლად!..... | 35 |



| | |
|--|----|
| *** თავი აიშვა პრესამ..... | 36 |
| სიმღერა..... | 37 |
| გვიან გავიღვიძეთ..... | 38 |
| „ადამონ ნიხასს“, ყრილობას ლიხნის!..... | 39 |
| ზაფხული - 1990..... | 40 |
| *** ძალას დაატანს ეს რუსეთი დღეს თუკი ჭკუას..... | 41 |
| *** ჩქზრობო, მითხრეს..... | 42 |
| *** „რას ერჩიო?“ - კაცზე მკითხეს..... | 44 |
| *** სისხლის წვიმები ჩქეფენ..... | 45 |
| *** თეა-თეონა-თეო..... | 46 |
| *** პოეტიო, ჩემი ქმარი..... | 47 |
| *** არ დაცემულა საქართველო..... | 48 |
| *** „არ იყავიო ვაჟას დღეზე ამ ზაფხულს ჩარგალს?“..... | 50 |
| ნარნერა წიგნზე..... | 51 |
| *** სახლი - ავაშენე! - კორდი - გავათენე!..... | 52 |
| *** ორლობის თოვლში კაცები დგანან..... | 53 |
| *** წვილს სარკმელში ხიდის კიდის..... | 54 |
| *** არაფერი! - მოცდა მცირეოდენი!..... | 55 |
| *** მენადა, ქართველს მეველო ქართველად..... | 56 |
| *** დიდებულად - წვიმს, დიდებულად - თოვს..... | 57 |
| უახლოვდება კაცი იგი როდესაც ოთხმოცს..... | 58 |
| *** დილის ბინდში ვერის ხიდზე მოვხვდით..... | 60 |
| *** იმდენი ვწერე სოფლის დაშლაზე..... | 61 |
| *** ორმოცდაათის მერე..... | 62 |
| *** მე თუ მკითხეს..... | 63 |
| *** მე ვიყავ ბათომს..... | 64 |
| *** გარეთ წვიმაა, ტყეები დაღბა..... | 65 |
| *** კაცი - გაფუყული დადის..... | 66 |
| *** ბოლჩებით და ყავარჯნებით..... | 68 |
| *** სადაც შეხვედი, ღვინოს განვდიან..... | 69 |
| *** უძვირფასესი იყო ზაფხული..... | 70 |
| *** ჩანგო ჩემო, მოხრიხარ..... | 71 |
| სამშობლო..... | 72 |
| *** ჩემო პანია, საბრალო დედავ..... | 73 |
| *** აფხაზეთზე ამ კაცს თვალი უჭირავს..... | 74 |
| *** ხტიან რუები..... | 75 |
| უცხოელ პოეტს..... | 76 |
| *** გოგოს, თვითონ პატარას..... | 77 |

| | |
|---|-----|
| *** მე ხელთ მიპყრია ნაზად..... | 79 |
| *** მოვიმღერდი როსმე ველად..... | 81 |
| ბევრს არ დაგპირდები..... | 82 |
| ჭეშმარიტება..... | 83 |
| *** მარეკები შლიდნენ ბანაკს..... | 84 |
| *** სადაც ჩაღრმავდები, ყველგან ზოდებია..... | 85 |
| მკითხე და გეტყვი..... | 86 |
| *** სასახლეებში, ბაღში, სკვერებში..... | 87 |
| *** დროით უფსკრულებს გადავყურებ..... | 88 |
| *** უფლისციხესთან სისხლისფერი ყაყაროს წვეთი..... | 89 |
| ყველას! ყველას! ყველას!..... | 90 |
| მეშინია..... | 91 |
| *** ამ ცხოვრებამ – ბრძნულმან, რთულმან..... | 92 |
| *** დაცხრი გულო!..... | 93 |
| ეგ – არაფერი..... | 94 |
| *** ვარ აჩეხილი ნახევრად ვაზი..... | 97 |
| მკვდრები..... | 98 |
| შეგონებანი..... | 101 |
| ოდესმე დიდი ყოფილა საქართველო..... | 102 |
| *** ყვავილების მდინარეს კუბო ცისკენ მიჰქონდა..... | 104 |
| *** ვერაფერი გამიგია..... | 106 |
| *** ამ სახლში ბევრი..... | 107 |
| *** ჩემს გალაკტიონს მე ვკითხე ერთხელ..... | 108 |
| მახსოვს!..... | 109 |
| *** ხარ დიდი სანდრო ბოტიჩელის მადონა ნორჩი..... | 111 |
| მგლები..... | 112 |
| *** ქართველები..... | 113 |
| *** როდესაც გრიალებს „ბრავო!“..... | 114 |
| ვოი!..... | 115 |
| *** ყოვლისა მოსაკრეფელის..... | 118 |
| *** შენი ოქროს ნინილით..... | 119 |
| თამუნია ქავთარაძეს..... | 120 |
| რერო..... | 121 |
| დათვები..... | 123 |
| *** ბერნუში დაგიხატია, ზაზული..... | 125 |
| ციცო..... | 126 |
| *** მე თუ გავგიჟდი, გავგიჟდები შენი ყურებით!..... | 127 |
| *** გაზაფხული შემოსულა, ლენ!..... | 128 |

21256/17



საგარეო მართლმსაჯულებრივი დეპარტამენტი

ვიოლა ტულუში
ნინო ყულოშვილი
მარტა ნიკლაური
შორენა ნიქარიშვილი

გარეკანის დირექტორი

ილია ხელაიასი



**საგარეო მართლმსაჯულებრივი
დეპარტამენტი**

თბილისი, ილია ჭავჭავაძის გამზირი №17ბ
25-05-22, 8(99) 53-05-22, 8(99) 55-66-54
inteleqti@telenet.ge

266.086



ქათვი ბოძი



გერგები ჰანად,
 ჰანის ჰანად გერგები, ალბათ,
 ვარ ღამეში და
 ასი წელი გაირბენს სწრაფად;
 არათუ ხორცი,
 ძვალის ჩემი როცა დამიწდეს,
 კავკასიონის
 მწვერვალები როცა ავერცხლდეს,
 „თენდება, ჰანავ!“?
 ჩამომძახო, არ დაგავიწყდეს!

ISBN 99940-39-58-X

